

NHUPI WOOREERA

WA

YESU KRISTU

WANTIKHIYE NI

Marku

Nttakattifu



LIDEMO.NET
LÍNGUAS DE MOÇAMBIQUE

Ficha Técnica:

Título: Marku Nttakattifu
(O Evangelho de Mark)
(The Gospel of Mark)

Língua: Imetto

Primeira edição electrónica, 2010

Produzido por: PROMEETTO
lidemo.net@gmail.com
C.P. 652
Nampula, Nampula
Moçambique

O utilizador pode copiar e distribuir a obra

⁹Nonwelenle, wicisu aya nihuku noopacera isumana, Yesu ahonkhumelela woopacera Mariya Mantalena, yola ankumihilyawe macini saapa. ¹⁰Uyo ahorwaa wacuveliha ale yakanle ni Yesu, yeetta acukulaka ni yiikhupanyaka. ¹¹Ale nanso, wiiwa waya wiira Yesu ri nkumi, ni Mariya ahomoono, khayakupanli.

¹²Vahoolo aheconeha nnanna nkina wasilopwana eeli yeetta ni iphiro, arwaaka omawaani. ¹³Ayo yahoturuwa wiira yacuvelihe akhwaya, nanso na ayo khayakupanli.

Yesu nawaakhumelela owiitthuca awe.

¹⁴Vahoolo waya, ahakhumelela owiitthuca awe khumi na mmoca alyaka, ni ahaakuphula nlattu wohikupali ni oturumala waya nrima, kontha khayaakupanli ale yamoonne nonwelenle. ¹⁵Ni aheerela: "Murwee ilapo yothene mwaalake atthu othene ni Nhupi Wooreera. ¹⁶Ntthu nohala okupali ni opatisiya nahala woopwa, nanso ntthu hinhala okupali, nahala ohukhumwiya. ¹⁷Ikanyero cinhala waatthara atthu ookupali phi nnya: Mwancina naka, ankowomola minapa coonanara, ankowuluma moolumo oonaanano; ¹⁸ankovara inwaa, ni yawuryaka itthu yowiiva, khinhala weera itthu; ammowathatela matata aretta, na ale anahala ovona."

¹⁹Vano, Apwiya Yesu anoolumanne owiitthuca awe yahakheleliya wirimu, ni ahonkoma moonoo nlopwana wa Nluku. ²⁰Na ale okhuma waya, yaholaka mapuro othene ni Apwiya yahaakavihera, yoneehaka nuulumo na Apwiya ni ikanyero cavelenle.

Nhupi Wooreera Wa Yesu Kristu Wantikhiye Ni

Marku Nttakattifu

1

Yohani Mpatisa

¹Wiipaceroni wa Nhupi Wooreera wa Yesu Kristu, Mwanawe Nluku. ²Ohaantikhiya ni namilohi Isaiya: "Kimmorumiha ohoolo wa mayanhupi aka, nohala wulokiherani iphiro. ³Ncu ninkhuwa ntakhwani: Nlokihe iphiro ya Apwiya, mookole mittala." ⁴Ciicale, Yohani Mpatisa phooneliye ntakhwani wiira eethucihe opatiso wo orukunusa nrima wiira itaampi cileveleliye. ⁵Yanaamwikamela atthu othene olapo ya Yutteya, na atthu ankhala o Yerusalemu, ni yanapatisiya ni ule omooloko Yorttani, alaphaka itaampi caya. ⁶Yohani awara ikuwo yo mapururu o nkamira, eethukelaka nyununi mo nrapala, yoolya awe yari mattentente ni urawo wo ntakhwani. ⁷Ni wowaalaka anahimya co; "Utuli waka mi nawa nkinaku rina ikuru impwaha yawaka, ni mi akimphwanela wooroma wiira kithukule miripwe co kwakwatta cawe. ⁸Mi kinawuupatisani ni maasi, nanso Ule nahala wuupatisani muNnepa Nttakattifu."

Yesu napatisiya ni nathokociya

⁹Waheranya, mahuku ale, Yesu awaaka okhuma oNasaree

yo Kalileya, mpaka opatisiya ni Yohani oYorttani.

¹⁰Wakhumawe mmaasini mmo, ahoona irimu ihuliyaka, ni Nnepa, woonya toko ikhunnta inkhuruwelaka. ¹¹Ni okhuma wirimu nineewiya ncu nnohimya: "We ori Mwana aka oophentiya, nokiphela nrima." ¹²Vahoolo Nnepa Nttakattifu wahoonrweha otakhwani, ni ¹³ahokhala wonwo mahuku arupayini, ni ahothokociya ni Sotwani; ni cahawo wonwo inama cowoopiha, ni ancelo yahonkavihera.

Owiitthuca oopacera a Yesu

¹⁴Othukiya wawe Yohani, Yesu akenle oKalileya, wahimerya atthu Nhupi Wooreera wa Nluku, eeraka:

¹⁵"Okati wahophiya ni omwene wa Nluku ori vakhiviru: Nrukunuseke nrima, nkupalelaka nhupi wooreera." ¹⁶Aviraka nceresere ipahari yo Kalileya, ahomoona Simoni ni nhimaawe Anttree avonyeraka matthavi aya mphaharini mmo, nlatu yaari mayototha ihopa. ¹⁷Yesu aheerela: "Nkitthare Mi, ni Mi kimmowupankani mayowatotha atthu." ¹⁸Ahiyaka naananoru matthavi aya, yahontthara Yesu. ¹⁹Napwahile vakani, ahomoona Yakopu, mwana a Sepetteu ni nhimaawe Yohani, alokihaka nkalawani matthavi aya pweehanaka nananoru. ²⁰Ni ale yahonhiya Sepetteu athumwanaya ni mayanteko aya, yahontthara.

Nlopwana o nnepa woonanara

²¹Yaandarwa oKafarnaum. Nihuku no Ntivelya ahokela nnsinakokani, ni aheetthuciha atthu. ²²Na atthu othene yaanawumiya mwaano ni miitthuciho cawe, nlatu aheetthuciha toko ntthu nolamula ni kaahiwena toko mayowantikha. ²³Ahaawo nnsinakokani mmo ntthu arina nnepa woonanara apacile okhuwa: ²⁴"We orinani ni hi, Yesu o Nasaree? Wawenle oniriha? Mi kihocuwela wiira ori Nttakattifu a Nluku." ²⁵Yesu ahoonkuphula, eeraka: "Omaale we, ni okhume wantthu ula." ²⁶Vano, nnepa woonanara,

oottitthima, akhuluvenle owa waya omwene wa Nluku, alipile erima wokela waPilatu ni aholepela nrutthu wa Yesu. ⁴⁴Ni Pilatu ahotikhina mari nakhwile, ni amwiihanaka muulupale anakhotto ni ahonkoha akhala wiira khwile mwakhalayi. ⁴⁵Ni nahimeriye ni muulupale uyo, nrutthu ahovahiya Yosef. ⁴⁶Yosefi nathumile ikuwo, ahokurusa nrutthu wansalapani, ni ahokhuneela ni ikuwo eyo. Vahoolo ahommitha mmahiye yathipiye wamwalani ni ahopirikisela nluku nuulupale wankhora wo mahiye. ⁴⁷Mariya Mantalena, ni Mariya anumwane Yoseti yanaweha nipuro navithiyawe.

16

Yesu ahonwelela

¹Ovira waya nihuku no ntivelya, Mariya Mantalena, Mariya anumwane Yakopu ni Saloome yahothuma makhura oonukhela ni yahorwaa ottikitthela nrutthu wa Yesu. ²Wicisu ncuwa nikhumaka nihuku noopacera no'sumana, yahorwaca omahiye. ³Yanawaakaaka yiiraka: "Tipani nokela onipirikisela nluku no wankhora wo mahiye?" ⁴Nanso, awehaka, yahoona wiira nluku nopirikiseliya nceresere ni nari nluku nuulupale cinenne. ⁵Okela waya mmahiye yahomoona mmirawo nonkomile moonoo nlopwana, awanre ihancu yootela, ni yahotuthuwa. ⁶Uyo nanso, ahaahimerya: "Nhituthuwe. Nnomwavya Yesu o Nasaree akhomeliye wansalapani. Honwelela, khaawo va. Moone nipuro namweesilyaya. ⁷Vano, murwee, mwahimerye owiitthuca awe ni Peturu wiira Yesu nahala wuhoolalani oKalileya. Wonwo nnahala omoona toko coohimenryaweni."

⁸Akhumaka omahiye yanatthawa ni othukumela nlatu wo woova. Khayanhimenrye ntthu itthu ile nlatu wo woova.

Yesu aheconeha

cowantikhiya cineera: Ahaalikeliya na atthu oonanara nrima.

²⁹Atthu yaavira ayo, yananruwana, apukunyaka muru, yiiraka: "We! Watankulaca Inupa ya Nluku ni oteka tho mahuku mararu." ³⁰We wicoopole o mwanene, ni okhuruwe wansalapani!" ³¹Oolupale a mayasataka ni mayowantikha yanateehana, yiiraka: "Hoopola akina ni khanoorya wicoopola mwanene." ³²Akhuruwe naanano wansalapani uyo Kristu, Mwene o Israel, wiira nimoone ni ninkupali." Ni atthu ale yakhomeliye ni Ule, yananruwana.

Yesu nakhwa

³³Waphilyaya okati woothana ipiphi yahokhunela ilapo yothene mpaka yoococilo. ³⁴Ophiya waya yoococilo Yesu ahokhuwa ni ncu noorunya: "Eloi, Eloi, lama sapaktani!" Manaaya: "Nluku aka! Nluku aka! Okhihiyenreni vekhaaka?" ³⁵Omwiwa waya, akina yaari wonwo, yaheera: "Moone, nomwiihana Eliya!" ³⁶Mmoca mwaale ahothimakaca owiha ntthoce nooheliya makari ahotthukelela muntathini ni ahommaha wiira awurye, ni ahohimya: "Noone wiira Eliya nawa onkurusela vathi." ³⁷Akhuwaka ni ncu noorunya, Yesu ahokhwa. ³⁸Vano ikuwo yo Mpani mwa Nluku yahaahuwa iriyariru okhuma oculu mpaka vathi. ³⁹Muulupale a anakhotto eemenle cooco wariyawe Yesu, omoona wawe akhwaka cicale, aheera: "Khweeli ula ari Mwana a Nluku!"

⁴⁰Yahaawo tho athiyana yemenle uttayi amwehaka; mwaale ahaawo Mariya Mantalena, Mariya anumwane Yakopu mwankani ni Yosefi, ni Saloome. ⁴¹Wariyawe Yesu oKaliyeya yayo yantthanre ni onvarela nteko, ni athiyana akina enci yanvelenle wakenlyawe oYerusalemu.

Yesu navithiya mmahiyeni

⁴²Wiila waya, hapo wari okati wowiitthenkaciya nihuku nontivela, ⁴³ahowa Yosefi o Arimateya, humu oocuwanyaa ni

onantathile ni ikuru, okhuwacaka, wahokhuma wantthu ule.

²⁷Othene yahotikhinaca, mpaka okohana ayayoru: "Isiyani ila? Moone meetthuciho o naanano, ni woromoliya ni nlamulo mpaka olamulela minepa coonanara ni nya cinamwiiwelela." ²⁸Ni ncina nawe nahorumanya nttethe woothene, ilapo yo Kalileya.

Yesu nawavoniha aretta enci

²⁹Akhumaka onsinakoka ahokela mpani mwa Simoni ni Anttree, wamoca ni Yakopu ni Yohani. ³⁰Amaathi awe Simoni yaanawerenya wakorini, awerenyaka irutthu yothene, ni nananoru yahonhimerya co iretta ila. ³¹Attameryaka, Yesu ahaaverela ntata mpaka waawusa. Iretta yahaahiya, na ale yahopacera wakavihera. ³²Ocoocilo, ncuwa ninakwattuwile, yahomwihera ale yahoosiya ni nnepa woonanara, ³³na atthu othene o wathokoni yahothukumana wankhora.

³⁴Ahaavoniha aretta enci, yahoosiye ni coowerya, ni ahoomola minepa coonanara cinci; nanso khahiya wulumaca minepa nlatu yaanancuwela.

Yesu nahimyaca Nhupi Wooreera

³⁵Wicisuru, ohinasa ahoonwa ni ahokhuma; phurwaka nipuro nowipithya wiira aswali. ³⁶Simoni, na ale yaari ni Yesu yahontthara. ³⁷Omphwanya waya, yahomwiirela: "Atthu othene anawuphavelani." ³⁸Nanso ahaakhula: "Nirwe ncoko nkina, itthoko co vakhiviru, neetthucihe wonwo, nlatu wo yela phikumenlyaka." ³⁹Ni ahorwa ilapo yothene yo Kalileya, eetthucihaka mmasinakokani, ni omolaka minepa coonanara.

Yesu ahonvonihani ntthu o makuttula

⁴⁰Ntthu o makuttula ahonrwela Yesu ni ankhromelaka ahonlepela: "Watthunaka vale onawoorya okivoniha."

⁴¹Amoonelaka ikiriri, Yesu ahonthatela ntata mpaka

onkwanya, eeraka: "Kinatthuna, ovone." ⁴²Nananoru, makuttula yahonhiya, ni irutthu yahokhala toko khalayi. ⁴³Ni Yesu ahonleha phunlakaka, ni moolumo ala: ⁴⁴"Woono wiira ahinhimerye ntthu itthu ila. Nanso opacera orwaa wamayasataka ni ovelelihe itthu ilamuliye ni Musa; nlatu wa atthu anhapihya makuttula, wiira akhale saahiti aa." ⁴⁵Ule, mweeco, orwa wawe ahopacera olattula ni ohimya itthu yeeranele, mpaka Yesu ohoorya okela ooniyaka mmawaani phukhalaka mapuro ale yaviravira na atthu vakani; na atthu olapo ile yananrwela.

2

Yesu ahonvonihya ntthu oowuntakyya

¹Anavinre mahuku vakani, ni Yesu naturuwile o Kafarnaum wahorumanya wiira ri owaani. ²Yahothukumana atthu enci, mpaka khayawanela wankhora, ni Yesu aheethuchiha moolumo. ³Vano yahomwiihera ntthu oowuntakyya, akusiye na atthu acese. ⁴Okhala wiira khayooriya onkusa mpaka waryawe, nlatu wo mphwinko, yahokhunula nivatho nipuro naryawe Yesu, ni ciicale, anahunle iparo, yahokurusela nrepa naryawe ntthu oowuntakyya. ⁵Wowoono okupali waya atthu ale, Yesu ahomwiirela ntthu oowuntakyya: "Mwana aka, itaampi caa ciholeveleliya." ⁶Wonwo mweeco, yahonkoma mayowantikha vakani yaakaka munrimani mwya: ⁷"Nlattuni, Ule olumacaka co? Nakufuru. Noorya tipani olevelela itaampi, hiri Nluku paahi?" ⁸Yesu, nanso acuwelaka moopuwelo aya mpaka ahaakoha: "Nlattuni mupuwelaka ciicale munrimani mwinyu?" ⁹Itthu yootepa orika phivi, omwiirela oowuntakyya: Itaampi caa ciholeveleliya, atthuna omwiirela: Wunwe, ukuse nrepa naa ni weette? ¹⁰Vano paahi; wiira ncuwele wiira Mwanawe Pinattamu haana ikuru vathiva yolevelela itaampi,

yamwihenre nlatu woonrama. ¹¹Nanso oolupale a mayasataka yanatheperya mphwinko wiira phatari Pilatu antthukule Parapasi. ¹²Pilatu ahaakoha: "Kinhala omwiiriha isiyani ula nnomwiihanenyu Mwene a Mayutteu?" ¹³Na ale yankhuwaca tho: "Onkhomele wansalapani!" ¹⁴Vano Pilatu aheera: "Tthe kileni?" Nanso ale yanakhuwaca: "Onkhomele wansalapani!" ¹⁵Pilatu, atthunaka wamaaliha atthu ale, ahaataphulela Parapasi. Ni aholamula wiira Yesu apsyuliye ni akhomeliye wansalapani.

Yesu nawapsyuliya

¹⁶Anakhotto yahonkusa opwaroni ya nsatoro, ni yaheehaniya anakhotto othene. ¹⁷Yahomwariha ihancu yookhwiila, ni yahomweesa ikhilempa yo miiwa wamuruni wawe. ¹⁸Vahoolo yahopacera onkoha nretele yiiraka: "Salaama, Mwene a Mayutteu!" ¹⁹Yanamwaatta wamuru ni nthale ni yanansuwela ni ankhoromelaka yananlapela. ²⁰Wamanlyaya ontarawaca yahonrula ihancu yokhwiila ni omwariha tho cawawe. Vano yahonkusa wiira akhomeliye wansalapani.

Yesu nakhomeliya wansalapani

²¹Yahommara athumwane Alisantere ni Rufu, eehaniya Simoni o Sirene aakhuma omawaani ni ahokanyererihiya okusa nsalapa. ²²Yahonrweha nipuro neehaniya Kolokootha, manaaya: Nipuro nokohi. ²³Yahommaha ivinyu yootakaniheriya ni miira, nanso ahokhotta owurya. ²⁴Vahoolo yahonkhomela wansalapani. Ni akawelanaka cowara cawe, yahopanka mwaavi wiira yoone yahalaawe ophwanya khula ntthu. ²⁵Yaari iwora yoneeraru wakhomeliyawe wansalapani. ²⁶Waculu wawe yahantikhiya yariyeleliyawe: "Mwene a Mayutteu." ²⁷Yahokhomeliya wamoca ni Ule, mayohukha eeli, mmoca, moonoo nlopwana, nkina moonoo nthiyana. ²⁸Cicammo cootthariheleliya

mwanthiyana a muulupale a mayasataka, ⁶⁷ni omoona wawe Peturu ootthaka mooro, ahomwehecesa ni ahomwiirela: "We khweeli wari ni Yesu o Nasaree." ⁶⁸Ule nanso ahoruna, eeraka: "Akinoncuwela, hata akineeweha inhimyaayo." Vahoolo ahokhuma vate iluwani, ni nthupi waheepa. ⁶⁹Nanteko mwanthiyana, omoona wawe tho, ahahimerya atthu yaatamananyaawe: "Ula phi mmocaruu." ⁷⁰Nanso ahoruna imaara yonapiili. Okati vakani tho, ale yaari mmo, yahonhimerya Peturu: "Khweeli we phi mmocaruu, kontha ori nkalileya." ⁷¹Nanso aholapha ni aholupela eeraka: "Akinoncuwela ntthu nomwaacenyuu." ⁷²Ni nenna nna nthupi waheepa imaara yonapiili. Vano, Peturu ahoopuwela itthu yahimilyawe Yesu: "Nthupi ohinaya wiipa imaara piili, we onahala okiruna imaara tharu." Ni vava ahopacera wunla.

15

¹Osaakaru, yahothukumana oolupale a mayasataka wamoca ni mahumu ni mayowantikha, manaaya mayonthukumano othene; ni onthuka waya Yesu, yahonkusa ni yahommeleela waPilatu.

²Pilatu ahonkoha: "We ori Mwene a Mayutteu?" Yesu ahomwaakhula: "We ohohimya." ³Ni oolupale a mayasataka yahonriyelela citthu cinci. ⁴Pilatu ahonkoha tho eeraka: "Khunakhula itthu? Woone, citthu cinci cinriyeleliyaa na atthu ala." ⁵Yesu nanso khaakhunle tho itthu, ni Pilatu ahotikhina.

⁶Nihuku nosukuhuulu, Pilatu aholemalela onthukula nantthukiya mmoca yantthunaaya atthu. ⁷Ahaawo mmoca, eehaniya Parapasi, atthukiye na anakhotto yoporonka nlatu womwiiva ntthu. ⁸Mphwinko wa atthu, wahnwa ni wahopacera olepela itthu yalemalenlyawe wapankela. ⁹Pilatu ahaakhula: "Nnotthuna wiira kutthukuleleni Mwene a Mayutteu?" ¹⁰Nlatu ahocuwela wiira oolupale a mayasataka

¹¹kinawuulamula amwaacaka ntthu oowuntakyaa okuse nrepa naa ni orwe owaanyaa." ¹²Ntthu ule ahoonwa, ahokusa nrepa nawe ni ahokhuma ooniyaka na atthu ale othene, mpaka othene wumiya mwaano, ni yananttottopela Nluku yiiraka: "Khaninoona itthu co nikhalaruu."

Yesu namwiihana Levi

¹³Imaara ikina tho ahokhumela vate mphante wo ipharyaa; ni mphwinko wa atthu othene wahonthara, Ule eetthucihaka. ¹⁴Nanso aviraka uyo ahomoono Levi, mwanawe Alfeu nonkomile inupa yowaakheleliya nsoko, ni ahomwiirela: "We, okithare Mi". Ni Levi ahonwa anttharaka Yesu. ¹⁵Nari wamoca, itthoko ya Levi, mayoliviha nsoko enci na atthu okosakosa yahonkomaca wameeca wamoca ni Yesu ni owiitthuca awe, nlatu khayamala orunwa atthu yaantthara. ¹⁶Mayowantikha yanrumelelihana ni mafarisi, amoonaka olya na atthu ookosakosa ni mayoliviha nsoko, yaheerela owiitthuca awe: "Nlattuni, naalya na atthu ookosakosa?" ¹⁷Yesu eewile cothene ahaakhula: "Kahiweni akumi phimmwavya tothoro, nanso, aretta. Mi akiwenle weehana atthu aattakattifu, nanso atthu ookosakosa."

Mwaha wootthuka

¹⁸Owiitthuca a Yohani ni mafarisi yaantthuka, yahowa onkoha Yesu: "Owiitthuca a Yohani ni mafarisi anantthuka ni owiitthuca aa ahitthukaka isiyani?" ¹⁹Yesu ahaakhula: "Asimpwana awe mayothela anawoorya otthuka, mayothela nari na ale? Mahuku othene ankhalaria wamoca ni mayothela khanoorya otthuka. ²⁰Anahala ophiya mahuku anhalaya waakhiya mayothela, vano phankelaya otthuka. ²¹Khaawo neesera icaapha yonaanano nkuwoni yo khalayi, nlatu icaapha yonaanano inatepereriha mpatta wo khalayi, ni nikhwata ninatapa wunnuwa. ²²Ni khaawo nohela ivinyu yonaanano mmapikani okhalayi, ahelaka vale, ivinyu inahala

opwesa mapika okhalayi, ni ivinyu inarihakya wamoca ni mapika. Nanso ivinyu yonaanano inheliya mmapikani onaanano.

Yesu ni ntivela

²³Nihuku nimoca no ntivela Yesu anavira mmamattani ni owiitthuci awe, yeetaka yahoonta ncasi. ²⁴Mafarisi yahonthara, yiiraka: "Nkoono, nlattuni ale apankaka itthu yowatelihiya opanka nihuku no ntivela?" ²⁵Ahaakhula: "Khannasoma itthu yapankilyawe Taviti, wammoonlyawe itala, ule na atthu yarinaawe?" ²⁶Wakenlyawe inupa ya Nluku, okati wa mayasataka muulupale Apiyatari, ni walilyawe mikatthe coottakattifihiya coolamuliya olya mayasataka paahi, ni ahaavaha atthu yarinaawe?" ²⁷Ni ahopwahera: "Ntivela nihopankeliya ntthu, ni kahiwena ntthu phipankeliye ntivela. ²⁸Mwanawe Pinattamu phi mwanene ntivela."

3

Yesu ahonvonihya ntthu oonririya ntata.

¹Yesu ahokela tho nnsinakokani. Ahokhala wonwo ntthu oonririya ntata. ²Vano ale yananhottela wiira amoone ammoonihaka nihuku no ntivela wiira ankasari. ³Yesu ahonhimerya ntthu arina ntata noonririya: "Wunwe ni owe iriyari ila va." ⁴Vahoolo ahaakoha: "Inoleveliya, nihuku no Ntivela, opanka itthu yooreera athuna itthu yoonanara, woopola okumi athuna ohiya oharipweyaka?" Ale yahomaalaca. ⁵Vano, awehaka ni orusiya, ni ommweryaka nrima nlattu woturumala mirima caya, ahomwiirela ntthu:

^a Footnote

Yahommara, ⁵²nanso ahiyaka ikuwo ile, ahotthawa pwitipwiti.

Yesu opwaroni yo mayutteu

⁵³Yahonrweha Yesu wankhulupale a mayastaka wathukumannyaya othene oolupale a mayasataka, mayowantikha ni mahumu. ⁵⁴Peturu ahonthara uttayittayi mpaka nhina ipuwa ya nkulupale a mayasataka. Peturu wonkomilyawe wamoca ni ananteko oothaka mooro. ⁵⁵Vano, oolupale a mayasataka ni mayothukumana othene yaavya osaahiti, wowiira omwiive Yesu, nanso khayaaphwanyile. ⁵⁶Enci yanahimya cowootha, nanso caahimilyaaya khaweerana. ⁵⁷Ahaawo yeemenle ni oromola yowootha ila yiiraka: ⁵⁸"Hi nihomwiiwa ahimiyaka: 'Kinhalo okwanyula inupa ila, itekiye ni matata a atthu, ni mahuku mararu kinhalo oteka ikina yohitekiya ni matata a atthu.'" ⁵⁹Nanso, hata cicammo osaahiti aya khaweeranne. ⁶⁰Vano, muulupale o mayasataka aheemela iriyari aya atthu yathukumanne ni yahonkoha Yesu: "Khunakhula itthu nhina osaahiti ommahaya atthu ala?" ⁶¹Yesu nanso ahomaala ni khaakhunle itthu. Muulupale a mayasataka ahonkoha tho: "We ori Kristu, Mwana a Nluku Ooreerihya?" ⁶²Yesu ahaakhula: "Kiri mi, ni nahala ommoona Mwanawe Pinattamu nonkomile moonoo nlopwana wa Nluku okuru, ni awaka mmahutteni o wirimu." ⁶³Vano, muulupale a mayasataka ahaahula coowara cawe ni aheera: "Nimphavela tho vayi osaahiti? ⁶⁴Mwanamwiiwa okufuru nwo. Nneera cani?" Na atthu othene yahonhukumu okhwa. ⁶⁵Vahoolo, akina yanapacera onsuwela, yahonkhunela wiitho ni ikuwo ni omwaatta yiiraka: "Ohimye ca namilohi!" Ni mayorontta yahonkusa ni omwaattakaca.

Peturu nanruna Yesu

⁶⁶Peturu neemenle vate wapuwanani, ahophiya nanteko

nokhwa. Nkhale vava ni mwiliphile." ³⁵Apwahaka vakani, ahowuluwela vathi ni ahoswali wiira, wooryanyaa, okati ula okipwahe. ³⁶Ni ahohimya: "Aappa, Tiithi; Nyu nnawoorya cothene. Nkitamihe mmahuvihoni! Nanso, cihipankiye cintthunaaka, nanso cintthuneenyu." ³⁷Oturuwa wawe, aphwanyile arupaka, ni ahomwiirela Peturu: "Simoni onarupa? Khawoonrye wiliphila iwora imoca? ³⁸Mwiliphile ni nswaliki wiira nhithokociye. Nrima onatthuna ratta, nanso irutthu khinlipa." ³⁹Ahorwaa tho oswalini, aakulelaka moolumo yayo. ⁴⁰Ahoturuwa, ni ahaaphwanya arupaka kontha miitho aya yahocara ikhove. Ni khayoono yomwakhula. ⁴¹Ahowa imaara yoneeraru mpaka waahimerya: "Nnarupa ni nnamumula tho? Wahotosa! Okati ohophiya. Mwanawe Pinattamu nahala orwehiya mmatatani mwaatthu ookosakosa. ⁴²Muunwe, Nrwe! Namakhuce aka hophiya."

Yesu natthukiya.

⁴³Yesu oolumacaka nanlelo phaphilyawe Yutta, ari mmoca mwaale khumi na eeli, ni mphwinko muulupale waakhumile woolupale a mayasataka, mayowantikha ni mahumu ni waarina ikatana ni ikopo. ⁴⁴Namakhuce ahaaleha ikanyero eeraka: "Nohalaaka onkoha isalaama, phi yoyo, mummare ni munkuse natthukiye ratta." ⁴⁵Ophiya wawe, ahomwaattamerya ni ahomwiirela: "Mwalimu!" ni ahonkoha isalaama. ⁴⁶Yahommara Yesu, ni yahontthuka. ⁴⁷Vano, mmoca mwaale eemenle wonwo, ahokumiha ikatana ahorakaliha ipottha ya nkhlupale a mayasataka, ahonthikila nnyaru. ⁴⁸Yesu ahaahimerya: "Nkhumile ni ikatana ni ikopo uwa okitthuka, toko mayohukha. ⁴⁹Kaari ni nyu mahuku othene mpani mwa Nluku, kiitthucihaka ni khamwakitthukile. Nanso wiira citthariheleliye toko caantikhiyaya." ⁵⁰Vano, anhiyaka, othene yahotthawa.

⁵¹Ni ahontthara mmirawo mmoca eekhunlenle ikuwo.

"Wookole ntata." Ahookola ntata ni nna nahovona.

⁶Wakhumilyaya, mafarisi yahothukumana na aHerotiyano wiira avaanele mamwiivelo.

Mphwinko muulupale onari nceresere ipahari

⁷Yesu ahorwa opahari ni owiitthuca awe, athariyaka ni mphwinko muulupale wakhuma oKalileya, ni Yutteya, ⁸oYerusalemu, oTumeya, okhopela Yorttani, ni nceresere Tiro ni Sittoniya. Ahophwanyiya ni mphwinko muulupale, wewiilyaya itthu yaapankawe. ⁹Ahaahimerya owiitthuca awe, anlokihere ikalawa yaankani, wiira hiphunyererihye ni mphwinko. ¹⁰Woono ahaavoniha atthu enci, ni nlatu weetthu ila, ale yanawaaniya ni ikwerere wiira ankwanye. ¹¹Minepa coonanara, wamoonaaaya, caanankhoromela wamiithoni wawe ni caanakhuwa: "We ori Mwana a Nluku." ¹²Ule nanso anawaateliha wiira ahicuwelihe.

Arumeyi khumi na eeli

¹³Vahoolo ahowela mmwaakoni, ni aheehana ale yatthunyawe, na ale yahomwaattamerya. ¹⁴Ahaathanla khumi na eeli phwaavahaka ncina na amitthenka wiira yakhaleke ni Uyo, ni aarume, wiitthuciha, ¹⁵ni yaphwanyeke ikuru yo woomola minepa coonanara. ¹⁶Ahaathanla khumi na eeli ala: Simoni, ammahilyawe ncina na Peturu, ¹⁷Yakopu, mwanawe Sepetteu, ni Yohani nhimaawe Yakopu, ammahilyawe ncina Powanerce, manaaya asana otari; ¹⁸Anttree, Filipe, Partimeu, Mateu, Tomee, Yakopu mwanawe Alfeu, Tateu, Simoni Selote, ¹⁹ni Yutta Iskariyota, amwiivihile.

Yesu ni Sotwani

²⁰Waphilyaya owaani, mphwinko wa atthu wahothukumana tho, mpaka wahinoryaaya olya. ²¹Ni amawaawe, wiwawaya itthu ila, yahokhuma wiira ammare, nlatu yeeriya: "Hoolociya." ²²Ni mayowantikha, yakhuruwenle o

Yerusalemu yahohimya: "Hovariya ni Peelsepu." Ni thotho. "Nawoomola minepa coonanara ni ikuru ca mwene a minepa coonanara." ²³Vano Yesu aheehana ni wahimerya mmalikianiheroni: "Noorya cani, Sotwani omoomola Sotwani?" ²⁴Omwene wakawaniyaka, omwene ule khunoorya okhala. ²⁵ni inupa yakawanihiyaka, inupa ile khinoorya okhala. ²⁶Phimaana, akhalaka Sotwani eecanihaka ikhotto mwanene eekawanihaka, ni khanoorya okhala tho, homala. ²⁷Khaawo noorya okela inupa ya ntthu ookhomaala ni onhukhela mihakhu cawe woohipaca ommara phooryaka onhukhela vahoolo. ²⁸Khweeli kinawuhimeryani: "Itaampi cothene ni ikufuru cothene cinkhala coromoliya na atthu, cothene cimmoleveliya, ²⁹nanso, ntthu nohala okufuru Nnepa Nttakattifu khammwa oleveliyaka akhalakaru; nowookhala ni itaampi awe mahuku othene." ³⁰Ahaahimerya itthu ila nlattu yahimenrye: "Ule navariya ni nnepa woonanara."

Alokwawe eekhweeli Yesu.

³¹Vano yahophiya anumwane na asihimaawe, ni anemenle otaa, yahaaruma atthu omwihana. ³²Mphwinko waatthu wahonkoma ntotho wawe, atthu onhimerya waya: Ahaawo vate anumwana na asihimaa, anawuphavela." ³³Ahaakhula: "Amanyi ni asihimaaka phapani?" ³⁴Ni athetulaka miitho mwaatthu ale yanrukurenrye, aheera: "Ala pha manyi na asihimaaka. ³⁵Ntthu nopanka otthuna wawe Nluku, ule phi nhimaaka, mwanrokoraka ni amanyi."

4

Nlikanihero na ntthu mayowaala

¹Ahopacera tho wiitthuciha nceresere ipahari. Mphwinko muulupale waothukumana ntotho wawe, phimaana ahowela nkalawani ni ahoonkoma mmwe, phukhalaka mphwinko

okuuluma makhuce." ¹⁹Yahanca ocukulaca, yiirelanaka ayayoru: "Kahi thi mi?" ²⁰Yesu ahaakhula: "Phi mmoca mwa nyu khumi na eeli, nokilyana ntiisini nimoca. ²¹Nlattu, Mwanawe Pinattamu narwa, toko cantikhelyawe, nanso natakhalia ntthu nohala omuluma makhuce! Fatari ahiyariye."

²²Walyaya, Yesu ahokusa nkatthe ni nareerihile, ahomyaniha ni ahavaha owiitthuca awe, eeraka: "Nkuseke, nlyeke, ila phi irutthu aka." ²³Vahoolo ahokusa ikikhompe, ahosukuru ni ahaavaha ni othene yahowurya yariweyo. ²⁴Ni ahaahimerya: "Ila phi iphome aka, iphome yo waatana wonaanano, invuviheriya atthu enci. ²⁵Khweeli kinawuhimeryani wiira akinhala tho owurya yowiima ila yo viteera mpaka nihuku ninhalaka owurya tho wumweneni wa Nluku." ²⁶Aneepile ncipo, yahokhumaca arwaka omwako wo Oliveyra.

Yesu nahimya wiira Peturu nahala onkhotta.

²⁷Yesu ahaahimerya: "Nyu othene, ohiyu ula, nnahala ohiya ikupalelo nlattu wo Miyano, kontha ihantikhiya: 'Kinanrakaliha nhakheli ni ikhontwa cinkomwaryaca.' ²⁸Nanso kinonwelenle, kimmowuhoolelani wokela oKalileya." ²⁹Peturu aheera: "Hata othene ahiye ikupalelo aya, nanso mi, mena." ³⁰Yesu ahomwaakhula: "Khweeli kinawuhimeryani: Ilelo ohiyu ula, nthupi ohinaya wiipa imara piili, onakikhotta imara tharu." ³¹Nanso Peturu ahopwahera wakhula ni ikuru eeraka: "Hata kilamuliye okhwa ni Nyu, akinookhottani." Ni othene yahoolumaca cicale.

Yesu oYetsemani

³²Yahorwaa nipuro neehaninya Yetsemani, ni Yesu ahaahimerya owiitthuca awe: "Munkome vava mi kiswaliki." ³³Ahonkusa Peturu, Yakopu, ni Yohani, ni ahanca woova ni ucukula. ³⁴Ahaahimerya: "Nnepa aka onacukula, icuku yo

athiyana ale. ⁶Yesu nanso aheera: "Onhiyeke. Munkuphulelaka isiyani? Hokipankela itthu yooreera; ⁷Kontha, athu oothwenya phinakhalaneenyu, ni mwatthunaka nna woorya waapankela cooreera, nanso miyano akinkhala ni nyu mahuku othene. ⁸Ale ahopanka itthu yoonryaya. Ahoottiha ni makhura irutthu aka ahoolelihaka ovithiya waka kihinaaya okhwa. ⁹Khweeli kinawuhimeryani, wiira mwiilaponi mothene onhalaya olalyaa Nhupi Wooreera, inahala tho ohimiya itthu yapankilyawe wiira opuweleliye."

Yutta nawuluma makhuce

¹⁰Vano, Yutta Iskarioti, mmoca mwaale khumi na eeli, akenle woolupale a mayasataka wiira amulume makhuce Yesu. ¹¹Weewilyaya moolumo ale, cahaatteela mirima ni yahovanela ommaha nsurukhu. Yutta anawavya okati wontumiha Yesu.

Yesu nalyana Owitthuca awe ikwaha yoomaliha

¹²Nihuku noopacera no mikatthe coohimiropo, okati waveleelihiya mwakhontwa o Pasikuwa, owitthuca yahonkoha Yesu: "Nnotthuna olokiheriya vayi nipuro noonlya Pasikuwa?" ¹³Ahaaruma owitthuca eeli ni aheerela: "Murwee oparasa nnahala omphwanya ntthu oocisa mwaapu o maasi. Munthare, ¹⁴ni onkelaawe, munhimerye mwanene inupa: 'Mwalimu naakoha: Inupa inhalaka omaka iri vayi, kinlyaka Pasikuwa ni owitthuca aka?' ¹⁵Ni nahala wuthonyerani nsana nuulupale oculu nooreerihya ni nowaaya; mwanilokihere nenno." ¹⁶Akhumaka owitthuca awe, yahorwaa oparasa, ni yahophwanya toko cahimeriyaya; ni yahontthonkomanaha Pasikuwa.

¹⁷Wiila waya, Yesu ahophiya ni owitthuca awe khumi na eeli. ¹⁸Anonkomacile alyaka, Yesu aheera: "Khweeli kinawuhimeryani, mmoca mwa nyu, nolya ni mi, nahala

woonene. ²Anaweeethuciha citthu cinci mmalikianiheroni ni anawahimerya mmeetthucihoni mwawe: ³"Mmiriyane: Mayowaala ahokhuma arwaka owaalani. ⁴Waalaaawe, ipyo ikina yahomorela nceresere iphiro ni yahowaca asanuni, yaholya. ⁵Ipyo ikina yahomorela wakokotthoni, wonwo wahakhanle itthaya yinci, khipicile omela nlatu itthaya khayakenle uttayi. ⁶Nanso, ncuwa, okhuma waya, yahopahiya, nlatu wohikhalana itthaya yinci mitithari cahooma. ⁷Ikina yahomorela wamwiwani, ni miwa cahoonuwa, cahomirya ipyo ni khayeemile. ⁸Ikina yahomorela itthaya yooreera ni yunuwaka, ni inarenre, yaheema, ni wincereriya mpaka okhala talathini, sithini ni imiya khila ipyo." ⁹Ni ahopwahera eeraka: "Orina manyaru owiwelela, eeweke."

Isariya yo nlikanihero

¹⁰Nahanle vekha, athu yanrukurerya wamoca ni owitthuca awe khumi na eeli yahonkoha manaaya nlikanihero nne. ¹¹Ahaakhula: "Nyu nhovahiya ocuwelaca isiiri yo omwene wa Nluku, nanso, athu ari otaa citthu cothene anahimeriya ni malikianihero, ¹²wiira yoonaka, yoone, ni ahicuwelele; yiwaka, yiiwe, ni ahiiwehe wiira ahirukunuse mirima, aleveliyaka itaampi caya.

Yesu nathapulela nlikanihero no mayowaala

¹³Ni ahopwahera: "Khanneewehea manaaya nlikanihero nna? Nnohala mweeco, witthuca cani malikianihero makina ayo? ¹⁴Mayowaala nawaala nuulumo, ¹⁵ari nceresere iphiro, pha ale yaleliye nuulumo. Aneewile nuulumo, sotwani nawa waatamiha nuulumo naaliye. ¹⁶Cicammo, ale yaakhenle ipyo mapuro okokoottho, pha ale yiinre aneewile nuulumo, woohipica anawaakhelela ni nrima wootteeliya, ¹⁷nanso kharina mitithari mwaale, khankhala nthiti ni yawaaka mahuviho, athuna yomolanihacyaka nlatu wo nuulumo,

wohipica anattittha. ¹⁸Ahaawo akina, anaakhela nuulumo mapuro o miiwa. Ala anawiiwa nuulumo, ¹⁹nanso nlatu woramela itthu yo nntuniyani, wothokociya ni mihakhu ni citthu cikina cinonlelaya, cinakela munrimani mwaya anattitthiha nuulumo ni khaneema. ²⁰Atthu anakhela nuulumo itthaya yooreera pha ale aneewa nuulumo, anaakhelela, aneewa mpaka wiima ni wincereriya talathini, sithiini ni imiya khila ipyo.

Nthuko woomwaleela

²¹Ahaahimerya tho: "Poti inawesiya isamaninya nhina mwaya itthuttu atthuna vathivaya nkori? Keera ineesiya waculu mmutto? ²²Nlatu khiiwo yovithiya ihinhala wooneleliya, ni khiiwo yowipithya ihinhala okhumela woonene." ²³Ntthu akhalanaka manyaru owiwelela, eeweke!" ²⁴Ni ahopwahera: "Mmiriyaneke ratta itthu ineenwenyu. Nnowophimiya ni itthuttu inhalenyu ophimela, ni thotho nnowowincereriya. ²⁵Vano ntthu rina, nowowincereriya, ni ntthu hirina, nowowaakhiya, mpaka citthu cirinawe.

Nlikanihero ni ipyo

²⁶Ni anawiira: "Omwene wa Nluku ori toko ntthu avonyenre ipyo awe vathi. ²⁷Arupe, onwe, ohiyu ni uthana, ipyo inamela ni inawunuwa, ule woohicuwela cani. ²⁸Itthaya inavaha vekhaaya, woopacera ntathi, vahoolo ncasi, ni omwiisoni ncasi nocara mee. ²⁹Ni yowiima yattokothaka, naahepha nlatu wahophiya okati wohephiya.

Nlikanihero ni inuku yankaani

³⁰Vano aneera: "Ninhala olikanihera ni isiyani omwene wa Nluku? Atthuna ninhala otaphulela ni nlikaniheroni? ³¹Ori toko inuku yo nrle, ineera inaliye vathi, iri yootepa oyeva mweenuku cothene; ³²nanso, yaliyakaru, inawunuwa,

Khaawo ancuwela nihuku hata okati.

³²Nanso khaawo nocuwela nihuku nne, hata okati ule, mena ancelo o wirimu, mena Mwana, nanso Athumwane paahi phincuwela. ³³Nkhale miitho, mwiliphile! Nlatu khannocuwela nihuku ninhalaya ophiya okati ule. ³⁴Ori toko ntthu alakenle ikhwaha awe, ahiyaka inupa awe, ahahiyera iyulupale arumeyi awe, khula ntthu ahovahiya nteko woovara, ni ahonlamulela mayokhaliha wiira owiliphile. ³⁵Vano mwiliphile, nlatu khannocuwela okati onhalaawe owa mwanene itthoko; toko yococilo, atthuna ohiyu iriyari, atthuna oneepile nthupi, atthuna wicisu, ³⁶wahikhumelele wiira, nawile ni wututuserani, huphwanyeni nrupaka. ³⁷Itthu inohimeryakani nyu, kinahimerya atthu othene: Mwiliphile!"

14

Ayutteu anawulumaca makhuce.

¹Yahanle mahuku meeli ophiya isukuhuulu yo Pasikuwa ni nihuku ninliyaya mikatthe coohimiropo, oolupale a mayasataka ni mayowantikha yanaavya mananna onthuka wo makhuce ni onrweha onookhwani. ²Yanawiira: "Itthu ile ihiiriye mahuku o sukuhuulu wiira atthu ayo ahipanke ipokoho."

Yesu nattikittheliya ni makhura onukhela oPetaniya.

³Yesu nari oPetaniya, nonkomile wameeca mpani mwawe Simoni omakunttula, ahowa nthiyana, acisile iphotiri yo nluku ya alapasturo inheliya makhura onukhela yeehaniya narttu, anthumihiya ncurukhu mwinci, napwesile iphotiri, ahomwitthela makhura mmuruni wa Yesu. ⁴Nanso akina yahonyonyiya, yiirelanaka ayayooru: "Ariheliyeni cicammo makhura ala? ⁵Yanawoorya othumihiya ni ncurukhu emiya tharu, mpaka wakawela atthu oothwenya." Ni yahonkuphula

caya. ¹⁶Ari mmattani ahituruwele owaani wiira yakuse coowara caya. ¹⁷Atakhaliye phaale ari ni irukulu, na ale anaamwiha asana mahuku ale! ¹⁸Nswali wiira itthu ile ihiranye okati weyiita. ¹⁹Nlattu mahuku ale coohosiya cinkokhala toko caharyaya okhalakaru, ikhumelo wapatusilyawe Nluku ittuniya, mpaka nna, hata khacinkela cakhalaka tho. ²⁰Ni yahari Apwiya akhuvehaka mahuku ale, hata ntthu khoopwa, nanso nlattu wa atthu oothanliya nahala okhuveha. ²¹Akhalaka ntthu nohimeryani: 'Mesiya ri vava!' atthuna: 'Omoone wonwo!' Nhikupali, ²²kontha anahala wunwa amesiya oowootha ni anamilohi oowootha ni ankopanka ikhanyero ni cootikhineeha wiira yaathepye, wanooranyaya, hata oothanliya. ²³Nanso nyu, mwisunke; kihohimeryani cothene marapururu.

Owa wawe Mwanawe Pinattamu.

²⁴"Nanso mahuku ale, anamanle mahuviho ale, ncuwa ninahala oripela, ni mweeri khunhala waarya, ²⁵itthootwa cinahala omora wirimu, ni ikuru conculu cinahala opukunyiya. ²⁶Vano nahala wooniya, awaka mmahutteni Mwanawe Pinattamu ni ikuru cuulupale ni waarya. ²⁷Nahala waruma ancelo awe ni wathukumaniha atthu yathanlilyawe mittetthe comicese co'phyoo, nceresere aya ilapo ni nceresere aya irimu.

Nlikanihero no mwiri wonhokorokho.

²⁸"Mwiitthuce, mweeco, nlikanihero no mwiri wonhokorokho. Miritta caya cakhalaka miheenya, ni capaceraka ophuwa, nhocuwela wiira iyiita iri vakhiviru. ²⁹Cicammo nyu, moonaka okumelela citthu nnya, ncuwele wiira Mwanawe Pinattamu ri vakhiviru wankhora. ³⁰Khweeli kinawuhimeryani: Khanimmira nloko nna cihiraneele citthu cothene nnya. ³¹Irimu ni ilapo cinahala ovira, nanso moolumo aka kanhala ovira.

inathatuwa mwiri muulupale woopwaha miri co mmattani ni inamwarya mirittha caya mpaka asanuni owiirimu woorya oteka ipuuru muntthucini mwaya." ³³Ni malikanihero menci toko ala anaweetthuciha nuulumo, toko woonawe ciicale anawiiweha. ³⁴Khoolumacera woohikhala ni malikanihero; nanso anawataphulela cothene owiitthuca awe anari vekhaaya.

Yesu nammaaliha naphuvo.

³⁵Nihuku nne, onaripenle, ahaahimerya: "Nrwe nilapuwele okhopela." ³⁶Ahiyaka miphwinko, owiitthuca yahoorkusa, toko caryaawe nkalawani, ni yahommelela ikalawa cikina. ³⁷Vano ahokhumelela naphuvo muulupale ophyoo ni mawiimpi yanawicatakanihaca ni ikalawa mpaka yaahala vakani ocara maasi. ³⁸Yesu, mpatta wohoolo wokalawa, anarupa naphithenrye nsawu. ³⁹Yahoommusa ni umwiirela: "Mwalimu, khunoona wiira ninakumpwela?" Onwaka, aholamulela iphyoo ni aheerela ipahari: "Imaale, ihittinke!" Iphyoo yahomaala, ni ipahari yothene yaheera riya-riya. ⁴⁰Vahoolo ahaahimerya: Nlattuni nkhalaka atthu owoova osilili? Nhikupaliki?" ⁴¹Yanawoova venci ni yanahimeryana: "Tipani Yoola? Hata iphyoo, ni ipahari cinamwiiwelela?"

5

Yesu ahonvonihani ntthu ovariya ni minepa

¹Yahophiya nikhopela nikhwaya no'pahari, ilapo yo Yeraseno. ²Yesu nalapuwele ahosiceriya ni ntthu aakhuma omahiye, avariye ni nnepa woonanara. ³Akhala omahiye, ni khaawo oorya ommara, mena vakani ontthuka ni unyolo, ⁴nlattu imaara cincini ahotthukiya ni unyolo mpaka wuntakaca unyolo ni onyakataca ikatiyato; khaawo oorya ommonihani. ⁵Mahuku othene anaweetta, othana ni uhiyu mmarekhano ni mmyaakoni, akhuwaka ni eerakalihaka ni maluku.

⁶Amoonaka Yesu uttayi, ahotthimakaca ni ahoonkhoromela ni ⁷ahokhuwa ni ncu nowirunya: "We orinani ni miyano, Yesu Mwana a Nluku. Ohikoopopihe!" ⁸Ni khweeli, Yesu anaamwiirela: "Okhume mwanthuni mu, nnepa woohiloka." ⁹Vahoolo ahoonkoha: "Ncina naa tipani?" Ahaakhula: "Mphwinko phi ncina naka, nlattu niri enci." ¹⁰Ni yahonlepela ankhyererihaaka wiira ahomoliye nttetthe ule. ¹¹Caanalya vano ikuluwe nceresere mwaako, ¹²ni minepa coonanara cahonlepela Yesu: "Onilamulele nakele nkuluweni mmwe." ¹³Yesu ahorumelela, ni nenna nna minepa coonanara cahokhuma wantthuni ni cahokela nkuluweni, ni nikhoto nne nari toko ikuluwe elufu piili naheevonyera mpaharini ni nahottittha. ¹⁴Ahakheli yahotthawa ni yahovira alattulaka mmawaani; na atthu enci yahowa wona itthu yeeranele. ¹⁵Waphiyaya nipuro naryawe Yesu, yahomoonaa ntthu avariye ni minepa coonanara noonkomile, nawanre ni nakhanle ntthu ule avariye ni mphwinko, ni yahoova. ¹⁶Asaahiti a itthu tthu oovariya ni minepa coonanara ni itthu yeranele ni ikuluwe. ¹⁷Vano yahoonlepela Yesu wiira athame ilapo aya. ¹⁸Yesu ahoturuwela okalawani; ni ntthu avariye ni minepa ¹⁹Yesu khandthunihenre, nanso ahomwiirela: "Orwe owaanyaa wamawaa ni wattonkacere citthu cothene cupankenlyaya Apwiya, ni toko ciwoonenlyaya ikiriri." ²⁰Ahokhuma wonwo, ni ahopacera oTekapoli itthu yampankenlyawe Yesu, na atthu othene yahotikhinaca.

Olepela wa athumwane ntthu

²¹Yesu nalapuwile mpaharini ni ikalawa, ni neemenle nceresere ipahari wahothukumana mphwinko muulupale wa atthu. ²²Ahophiya vano muulupale onsinakoka, eehaniya Cayro, ni omoona wawe Yesu, ahoonkhoromela, ²³ni ahoonlepela ankhyererihaaka: "Mwana aka mwanthiyana hanle vakani okhwa; uwe untathele matata akhale nkumi."

Nluku, Peturu, Yakopu, Yohani ni Anttree, yahonkoha wathhikini: ⁴"Onihimerye wiira citthu nnye cinhala wiranyaa yaakhani, ni ikanyero inhala othonyera wiira citthu nnye ciri vakhiviru." ⁵Yesu ahopacera wahimerya: "Mwisunke wiira hikhale ntthu noothepyani. ⁶Kontha, anahala uwa atthu enci mwancina naka, yiiraka: 'Phi mi!' mpaka wathepya atthu enci. ⁷Mwiiwaka culumaciya cokhotto, ni myaha cokhotto, nhituthuwe. Citthu nnye cinalamuliya wiiranyaa nanso khunakhalaka mwisu. ⁸Nloko nimoca ninhala ovaraana ni nloko nikhwaya, omwene mmoca ni omwene nkhwaya. Ilapo inahala othukumela mapuro makina, ni immovola itala. Citthu nnye ciri mapacerero wona coowerya.

Okati wowoopiha

⁹"Nkhale miitho! Anahala wurwehani opwaroni, nnahala wapsyuliya nnsinakokani. Nnahala weemesiya wa miithoni wa mayansatoro ni mamwene nlattu wo Miyano, wiira mmahe osaahiti wamiithoni waya. ¹⁰Nanso woopacera Nhupi Wooreera onahala ohimeriya maloko othene. ¹¹Vano mwakusiyaka wiira moolumaciye makhuce, nhoove itthu inhalenyu ohimya. Nanso nhimye itthu inhalenyu ovahiya okati yooyo, kahi mweeco nyuva nohala wulumaca, nanso Nnepa Nttakattifu. ¹²Munna nahala onrweha o nokhwani munnawe, ni athumwane mwanawe; ni asana ammowulumacera makhuce athumwanaya, mpaka weeva. ¹³Ni nnahala wiinananiya nlattu wo ncina naka, nanso ntthu nohala okhalana nthiti mpaka omwisoni, nowowoopwa.

Icuku yuulupale o Yutteya.

¹⁴"Moonaka citthu co miikho cikhumelalaka toko itankuleliyo wahimphwanelaya okhala, (nosoma oyo eewehe) vano ale ari oYutteya atthawele mmwakoni. ¹⁵Ari wancarani ahikhuruwe hata ahikele mpani wiira akuse citthu

mwanawe?" Ni mphwinko muulupale wanamwiiwa ni otteeliya nrima.

Yesu nawaattikttha aalimu o malamulo

³⁸Wowiitthuciha, Yesu anawiira: "Nkhale miitho, mwisunke ni mayowantikha onacivela othoonyera coowara coorekama ni okohiya isalama mmapuwani; ³⁹wonkoma mapuro ohoolo nnsinakokani ni mapuro anliya isukuhuulu, ⁴⁰Anawalyacera anankwele yoothereryaka ni iswali cootaliva. Ala anowowaakhela ihukumu yootepa."

Yoovaha ya nankhwele oohuva.

⁴¹Nonkomile nipuro naheliya coovelela yawehaka athu yahela nsurukhu nkasani mwe. Mathaciri menci yanahela nsurukhu mwinci. ⁴²Ahowa nthiyana nankwele oothwenya, ahelaka makopiri meli oyeveca, manaaya nikupatta nonecese. ⁴³Eehanaka owiitthuca awe, Yesu ahahimerya: "Khweeli kinawuhimeryani wiira nthiyana ula nankhwele oothwenya hohela woopwaha athu othene ahenle nkasani yo nhakhu. ⁴⁴Nlattu, othene yahenle yohalahala muthacirini mwaya, nanso nthiyana oothwenya ahenle yothene yarinawe, ni khahalanne itthu hata yankani."

13

Yesu nahimya otankuliya yo Inupa ya Nluku.

¹Wakhumaawe Mpani mwa Nluku owiitthuca mmoca ahonhimerya: "Mwalimu, moone, maluku menci ale ni cootekiya nnya!" ²Yesu ahaakhula: "Onawoona cootekiya nnye cuulupale? Khaninkela nahalaka nluku nimoca waculu nluku nikhwaya, cothene cimmotankuliya."

Ohuva ni ottharathariya

³Ni nonkomile mmwako wo Oliveyra ohoolo aya Inupa ya

Ovonihya wa nretta

²⁴Yesu ahoommelela phuthariyaka ni mphwinko muulupale wamphunyereriha. ²⁵Vano, nthiyana mmoca awuva iphome iyakha khumi na piili, ²⁶ni ahuviha venci mmatatani mwaya mayoovoniha enci, ni arihile mihakhu cawe cothene, nanso woohiphwanya nafasi, hata iretta awe yaanavira etepacaka. ²⁷Neewile ca Yesu, ahotakaneela ni mphwinko, ni awaaka ottuli wawe ahoonkwanya nihancu nawe; ²⁸aheecirela mweeco: "Mena kakwanyaru cowara cawe, kimmovona." ²⁹Nananoru iphome yaheemela, ni ahoona mwirutthuni mwawe wiira ikwerere aka ihovona. ³⁰Nenna nna, Yesu, oonaka wiira ikuru awe yahokhuma mwirutthuni mwawe, ahokurunuwela mphwinko akohaka: "Kikwanyile ti pani?" ³¹Owiitthuca awe yahomwiirela: "Onawoona wiira miphwinko cinawuphunyereriha mipatta cothene, ni onaakoha: "Akikwanyile ti pani?" ³²Nanso Yesu ahoweha nceresere aphaavelaka omoona ntthu apankile itthu ila. ³³Vano nthiyana ahocuwela ciheeranya mwirutthuni mwawe oovaka ni athukumelaka ahokhuma ahoonkhoromela Yesu ni ahoonhimerya citthu cothene. ³⁴"Mwana aka, okupali waa ohowoopola. Urwe ni imani ni uvone ikwerere aa.

Wunwelelihiya wa mwanawe Cairo

³⁵Yesu olumacaka ninlelo yahowa athu akina akhumaka inupa awe muulupale onsinakoka phwiiraka: Mwana ahokhwa. ³⁶Yesu, nanso, neewile moolumo ale, ahomwiirela muulupale o nsinakoka: "Ohituthuwe, okupaliki paahi." ³⁷Ahaateliha othene wiira: Hikivelele ntthu, hikanle Peturu, Yakopu ni Yohani, nhimaawe Yakopu. ³⁸Ophiya waya owaanyawe muulupale o nsinakoka, Yesu aheewa ikuttho yuulupale ya athu enci yunlaka mpani. ³⁹Ni akelaka, ahaahimerya: Ikuttho ila wunla nwe isiyani? Mwana uyo kakhwile, narupa paahi." ⁴⁰Nanso athu ale yananthya, Yesu

ahaakumihera otaa atthu ale othene ni aakusaka athumwane ni anumwane, na ale yammelenle, yahokela mpani mwataleliye mwanamwane. ⁴¹Ni ammaraka ntata, aheera: "Mwana aka kinawulamulela, wunwe." ⁴²Nananoru mwanamwane ahoonwa ni ahopacera weetta, ari mweeco, ni iyaakha khumi na piili. Othene yahooma mwaano. ⁴³Yesu ahaalepela wiira itthu ile ihicuweliye ni ntthu, ni aholamula ovahiya yolya mwanthiyana.

6

Yesu nakhottiya wakheleliya oNasaree

¹Okhuma wawe wenwe, ahorwa wamoca ni owiitthuca awe. ²Nihuku no ntivela ahopacera wiitthuciha nnsinakoka na atthu enci yamwiiwa, wanawooma mwaano ni yanahimya: "Inonkhuma vayi itthu ila ni ocuwelani uno ovahiyawe uno? Cinopanka cani cotikhineeha nya ni ntata nawe?" ³Kahi nkarapintero, mwanawe Mariya, ni nhimaawe Yakopu, Yosefi, Yutta ni Simoni? Ni asirokorawe khari ni hi?" Yahoviruwaca. ⁴Yesu aheerela: "Namilohi notarawiya owaanyawe paahi, waama wawe ni wapuwanani wawe." ⁵Ni wonwo khoonrye opanka cotikhineeha hata mena. Ahaavooniha aretta vakani paahi, athatelaka matata. ⁶Ahotikhinaca ohikupali waatthu ale. Vano ahoviravira ithoko co wattamana eetthucihaka wonwo.

Amitthenka anarumiya

⁷Aheehana khumi na eeli, ni ahopacera waruma eeli eeli, ni ahaavaha ikuru yolamulela minepa coonanara. ⁸Ahalamulela wiira ahikuse itthu munkwahani ari ihinokhala ikopo paahi. Wala nkatthe, wala nrupa, mena nsurukhu nyununi. ⁹Aware ikwakwata ni ahiwye ihancu piili. ¹⁰Ni ahaahimerya tho: Mwakelaka inupa, nkhale wonwo mpaka wunwa nipuro nno. ¹¹Ni mwahaakheleliyeke nipuro nno, na

nikukhu naapharela woohivya, toko Nluku caamulumacenryawe eeraka: "Mi kiri Nluku a Aprahamu, Nluku a Isaaki, ni Nluku a Yakopu?" ²⁷Khankhala Nluku a atthu ookhwa, nanso Nluku a atthu akumi. Nyu khanreere weetta ni ututhi.

Nlamulo nootepa wunuwa.

²⁸Ahomwaattamerya mayowantikha eewile avanyihanaka, ni oonaka wiira Yesu aakhunle ratta, ahonkoha: "Phinni nlamulo noopacera o malamuloni othene?" ²⁹Yesu ahaakhula: Noopacera phi nna: Wiiwe Israel, Apwiya Nluku ihu pha Apwiya vekhaaya. ³⁰Waaphente Apwiya Nluku aa, ni nrima aa wothene, ni nnepa aa wothene, na ankhili aa othene, ni ikuru caa cothene. ³¹Nonayeli phi nna: Onphente nkhwaa toko we omwanene. Khaniwo nlamulo noopwaha ala. ³²Mayowantikha yahomwiirela: "Oreera cinene, Mwalimu, khaawoothile veenryaa wiira Ule ri vekhawe ni khaawo tho nkina noompwaha Ule; ³³ni omphenta ni nrima wothene, ni ankhili othene, ni nnepa wothene ni ikuru cothene, ni omphenta nkhwawe toko omwanene, iri itthu yootepa woovikana isataka coopahiya ni coovelelihiya cothene. ³⁴Yesu, oonaka wiira ntthu ule ahaakhula ni nruku, ahomwiirela: Khuri uttayi ni omwene wa Nluku. Ni khariwo tho onkoha itthu.

Mesiya, Mwana ni Apwiya a Taviti.

³⁵Eetthucihaka Mpani mwa Nluku, Yesu ahokoha: "Mayowantikha ahimiyaka cani wiira Mesiya phiri mwanawe Taviti? ³⁶Taviti mwanene, athoonyeriyaka ni Nnepa Nttakattifu, heera:

'Apwiya yahomwiirela Apwiya aka:
Wonkome moonoo aka nlopwana, mpaka
Mi keese eenani aa vathivaya manyaa aa.'

³⁷Taviti mwanene namwiihana, Apwiya. Nokhalaka cani

¹³Vahoolo yahonrumihela mafarisi ni aHerotiyano akina wiira ammare mmoolumoni. ¹⁴Amwaattameryaka yahomwiirela, "Mwalimu, nihocuwela wiira ori nlopwana eekhweli, khaawo nonramelaa, nlattu khumweha makhalelo a ntthu, nanso onawitthuciha iphiro ya Nluku, toko cinkhalaaya yeekhweli. Onihimerye, iri itthu yooloka atthuna yoohiloka onvaha nsoko Sesari? Ninvahe atthuna nihinvahe?" ¹⁵Yesu acuwelaka wototha waya, ahaakhula, "Nnokittehacerani? Nkiwihere nikopiri, koone." ¹⁶Yahomwihera ni ahaakoha: "Yawani ila yocaphariya, ni yowantikhiya?" Yahaakhula: "Ya Sesari." ¹⁷Yesu aheerela: "Mumvahe, mweeco, Sesari itthu ya Sesari, ni Nluku itthu ya Nluku." Ni yahotikhinaca venci.

Nlahanya wo wunwelela

¹⁸Vahoolo yahowa masatuseu, ale aneera khuwo wunwelela wa atthu ookhwa, yahomwaattamerya, ni yahonkoha Yesu: ¹⁹"Mwalimu, Musa honantikhela wiira ntthu ankhwelaka munnawe, pwahiyaka amwaarawe woohikalana asana, nhimaawe nolamuliya onthela nthiyana oohinya wiira ahiye ipyo ya munnawe. ²⁰Vano ahaawo nlopwana na asihimawe siita, ni oopacera uyo ahonthela ni ahokhwa woohahiya asana. ²¹Onayeeli ahonthela nthiyana ahinye, ni uyo ahokhwa woohahiya asana, ni oneeraru uyo waheeranya cicammo, ²²ni othene saapa yahokhwa woohahiya asana. Wimaleloni waya nthiyana uyo ahokhwa. ²³Vanhala wunweleliya, nthiyana nohala okhala amwaara awani, nlattu asilopwana saapa ale yahonthela nthiyana ule? ²⁴Yesu ahaakhula: Nyu nnawithepyaca nlattu woohicuwela cowantikhiya cittakattifu hata ikuru ca Nluku. ²⁵Phimaana wanhalaya wunwelela mwaatthu ookhwa, khuwo otheliya, mena khuwo othelana, nanso ammokhala toko ancelo o wirimu. ²⁶Nanso itthu inaaciya mowunwelelani mwaatthu ookhwa, khansomile ikitapu ya Musa, itthu yeranele ni

atthu ale yahiwiwekeni, woothama vale, nkukuthe ntthupi no manyaa enyu, wiira ikhale itthu inthoonyera mirima caya atthu ale. ¹²Amitthenka yahorwaa ni yahaalaka atthu otharuwela itaampi. ¹³Yahoomola minepa coonanara cinci, yahatikithela ni makhura aretta enci mpaka waavoniha.

Okhwa wawe Yohani Mpatisa

¹⁴Mwene Heroti aheewa culumaceriyaka ca Yesu, nanruma ncina nawe ni anawiira: "Ula phi Yohani Mpatisa onwelenle mwaatthu okhwa, phimaana cinawithoonyera mwa ule ikuru coopanka cotikhineeha." ¹⁵Akina yanawiira: "Phi Eliya" akina yanalipihera: "Ri namilohi sawa toko anamilohi akina." ¹⁶Heroti nanso, wowiwa itthu ila anahimya eeraka: "Yohani onthikinlyaka isiko phunwelenle." ¹⁷Khweli, Heroti phalamunle otthukiya Yohani ni weesiya nkalaposo, nlattu wa Herotiyatta, amwaarawe Filipe nhimaawe, anthenlyawe. ¹⁸Nlattu Yohani anamwiirela Heroti: "Khunleveliya okhalana amwaara a nhimaa. ¹⁹Herotiyatta hopophela nreca ni anathuna omwiiva, nanso khoorya, ²⁰nlattu Heroti anamoova Yohani ni, acuwelaka wiira ari ntthu ooloka ni nttakattifu, anamwaakhiha; wamwiiwawe anasanka, nanso anammiriyana ni uciveliya. ²¹Nanso nahophiya nihuku nooreera, Heroti wopuwelenlyawe nihuku nayariyawo ahophavela yolya yinci yowaavaha oolupale o wahano, oolupale anakhotto, ni mamwene o Kalileya. ²²Nakenle wiina mwana nthiyana a Herotiyatta wahoncivela Heroti na atthu yaalattuliye. Mwene ahomwiirela mwali: "Okilepele itthu phi itthu intthunaa ni mi kimmowuvaha." ²³Ni ahopwahera: "Kimmowuvaha itthu yothene inhalaa okilepela hata okhalaka mwanusu omwene aka." ²⁴Mwali ahokhuma wakoha anumwane wiira: "Kilepele isiyani?" Ala ahaakhula: "Muru wa Yohani Mpatisa." ²⁵Mwali akelaka tho nenna nna, ahonlepela mwene, eeraka: "Kintthuna ovahiya

nananoru, onaheliye muntiisini muru wa Yohani Mpatisa."

²⁶Mwene ahotuthuwa, nanso nlatu woolupela wawe ni, nlatu waatthu yaalatuliye, khathunne onthuwa. ²⁷Nenna nna ahonlamulela mayorontta owiha muru wa Yohani.

Mayorontta ahorwaa nkalaposo ni ahothikila isiko ya Yohani, ²⁸ni vahoolo ahowiha muru muntiisini mpaka ommaha mwali, ni ula ahaavaha anumwane. ²⁹Anacuwenle itthu ila owiitthuca a Yohani ni ahonthipela mmahiyeni.

Mikatthe cinawucereriya

³⁰Amitthenka yahothukumana wa Yesu ni yahontokacera citthu cothene capankilyaya ni citthu chilyaya. ³¹Ni Yesu ahaahimerya: "Mmweeke, nirwe nipuro nowipithya ni mmumule vakani: nlatu yaari enci jaarwa ni yaawa mpaka ohikhalana okati woolya. ³²Vano yahorwaa ni ikalawa nipuro nowipithya nahaariwo hata ntthu. ³³Yoonaka arwaka, enci yahocuwela okitthu onkelaya. Ni mmatthokoni mothene yahorwaa, yeetaka vathi, nipuro nne, ni yahophiya nraci.

³⁴Wakhuruwawe nkalawani, Yesu ahoona mphwinko muulupale ni ahoonela ikiriri, nlatu yaari toko ikhontwaa cohikhalana nhaakheli. Vano ahopacera weethuciha okati mwinci. ³⁵Ncuwa wakelaya otthe kuwa, owiitthuca awe yahomwatamerya ni onhimerya: "Nipuro nna niri toko mwini, ni ncuwa notthe kuwa. ³⁶Walamulele orwaa mmawaani ni mmatthokoni cowatamana wiira yathume yolya." ³⁷Ahaakhula: "Mwaavahe nyenyu wa yolya." Na ale yahonhimerya: "Wothuma mikatthe cowavaha atthu ale othene, nimphavela ncuruku emiya piili." ³⁸Yesu ahopwahera: "Nhaana mikatthe mikavi? Nrwe moone." Anakohile atthu, yahaakhula: "Mikatthe mithanu ni ihopa piili." ³⁹Ahaalamulela wonkomihya atthu vakani khila nipuro mmalasini makithi. ⁴⁰Ni yanawunkoma khila ipuwa atthu emiya ni ipuwa ikhwawe atthu hansini. ⁴¹Vano ahokusa

Khanincuwela. Ni Yesu aheerela: Hata ni Mi akinohimeryani ni nlamulo nawani kinapanka citthu nnya.

12

Nlikanihero na mayolima imatta yo vinyu.

¹Yesu ahopacera woolumacera ni malikanihero: Ahaawo ntthu aanle imatta yo vinyu, ahophela nkucu, ahothipa nlitti no waamiha ivinyu ni ahoteka ipwaro. Vahoolo ahaahiyera ananteko akhoolaka ikwaha awe yoottayi. ²Okati woohephiya, ahonruma nrumeyi awe wiira aakhele nuusu no cowiima co mmattani. ³Ale nanso, yahommara, yahomwaatta ni onturusela uttuli wohiitthu. ⁴Ni aharumihela nrumeyi nkina. Ni uyo tho yahompwesa muru ni yahontarawa venci. ⁵Ahonruma nkina, ni ule yahomwiiva. Ahaarumihela akina enci, na ale yahaatta ni akina weeva. ⁶Nahalenle nlelo mwanawe oophentiya, omwisoni ahonruma ule, eeraka: "Anahala onlemeliha mwanaka." ⁷Nanso, ananteko yaherelana ayayoru: "Ule phinkokhalana imatta ila! Nrwe, nimwiive, ni imatta inakhala yawihu."

⁸Yahommara ni yahomwiiva, ni onrihela nceresere imatta. ⁹Mwanene imatta ile nohala opankani? Nahala oturuwa ni weeva ananteko ayo, ni vahoolo, nahala waavaha imatta ananteko akina. ¹⁰Khansomile cowantikhiya cittakattifu?

Nluku nikhottiye ni mayoteka, nihothatuwa nluku no vanlothoni nowokolela inupa.

¹¹Itthu ila iri nteko wa Apwiya, ni ori woothamaliya wamiithoni wihu.

¹²Yaanawavya ommara, nanso yanawoova mphwinko, nlatu yaheeweha ratta, wiira nlikanihero nne naaca yayo. Yahonhiya ni yahorwaca.

Nsoko wa Sesari.

wanawumiya mwaano ni meetthuciho cawe. ¹⁹Wiila waya, yahorwaa otaa waya iparasa.

Mwiri wonhokorokho wowuma.

²⁰Ovira waya, wicisu, yahoona mwiri wonhokorokho onoomile, ni mitithari caya coothene. ²¹Ni Peturu opuwelaka, ahomwiirela Yesu: Wooneke mwalimu, mwiri wonhokorokho olaphilyaa, ohooma. ²²Yesu aheerela: Munkupali Nluku. ²³Khweeli kinawuhimeryani: Ntthu eerelaka mwako ula: Wiiphele nipuro niryaa wivonyere opahari, ni ahaanyihereke munrimani mwawe nanso akupaliki wiira itthu ihimilyawe inahala wiiranya; khweeli, inawiiiranya. ²⁴Phimaana, kinawuhimeryani wiira citthu cothene cinhalenyu olepela nswaliki, nkupaliki wiira nnawaakhela, ni nnowopattha. ²⁵Mwemelaka vale wiira nswali, mwakhalanaka mwamweetthu ni nkhwiiinyu, munleveleke wiira Athumwaninyu, ari wirimu, yuleveleleni cookosa cinyu. ²⁶Nlattu, mwahaleveleleke akhwinyu, Athumwaninyu ari wirimu kxanhala olevelela cookosa cinyu.

Ikuru awe Yesu yoolamula

²⁷Yahoturuwela o Yerusalemu, ni Yesu eettaka Mpani mwa Nluku, oolupale a mayasataka, mayowantikha ni mahumu, yahomwaattamerya ²⁸ni yahoonkoha: Ompanka citthu nnya ni nlamulo nawani? Olamulenle tipani opanka citthu nnya. ²⁹Yesu ahaakhula: Hata ni mi, kinawukohani itthu. Nkaakhule, ni vano kinahala wuuhimeryani wiira kinapanka citthu nnya ni nlamulo nawani. ³⁰Opatiso wa Yohani waari wo wirimu, atthuna wa atthu? Nkaakhule. ³¹Yahopacera okohana ayayoru, yiiraka: Neeraka, wo wirimu, nahala wiira: Nhikupaliki mweeco? ³²Neeraka, wa atthu, ninawoova mphwinko. Nlattu othene yanamoona Yohani toko namilohi. ³³O mwiisoni yahomwaakhula:

mikatthe mithanu ni ihopa piili ni, aweehaka wiirimu, ahosukurela. Ahomyaniha mikatthe ni ahaavaha owiitthuca awe wiira yakawele atthu. Ni ahaakawela ihopa piili, ⁴²na atthu ale yaholya mpaka ovona. ⁴³Ni ahocariha tho itthuttu khumi na piili ikalakattela cahanle co mikatthe ni co'hopa. ⁴⁴Vano yalilyayo mikatthe nye yaari atthu elufu thanu.

Yesu naweetta waculu wamaasini

⁴⁵Nananoru ahakhanyereriha owiitthuca awe okela nkalawani ni olapuwela nikhopela nikhwawe no Petsayita; mwanene alaseraka mphwinko. ⁴⁶Analasenre mphwinko ule, ahowela omwakoni, oswali. ⁴⁷Wiila waya, ikalawa yari iriyari ipahari, ni Yesu aheemela nceresere vekhawe. ⁴⁸Woonna wawe wiira yahoocya weettiha ikalawa nlattu iphyoo yanavirikana, aheekamela weeraka mapikoosa, eettaka wamaasini mpaka otthuna ohapuwa. ⁴⁹Nanso owiitthuca yamoonaka weetta wamaasini yahopuwela wiira nnepa, ni yahokhuwa. ⁵⁰Othene mweeco yahomoonna ni yahotuthuwa. Mwanene nanso aholumacera, eeraka: "Mpise nrima, phi mi, nhoove!" ⁵¹Vahoolo, ahokela nkalawani wariyaya, ni iphyoo yahowukuwa. Othene yanawoova venci. ⁵²Khayeewehile ni nlelo itthu yeranele ni mikatthe nye nlattu woolipa mirima caya.

Yesu nawavoniha aretta oYenesare

⁵³Analapuwenle okhopela, ahophiya ilapo yo Yenesare ni ahovonyera vathi nankura. ⁵⁴Anakhumile nkalawani, atthu owonwo yaahoncuwela. ⁵⁵Yahophiya atthu enci olapo ile ni yahopacera wawiha aretta mmarepani ni aharweha nipuro nacuwenlyaya wiira phiryawe. ⁵⁶Mmatthokoni makani, itthoko cuulupale ni mmawaani, nipuro phi nipuro nakelawe yanaweesiya aretta mparaparani ni yahoonlepela wiira aleve

mena okwanyiya nlempe no nhancu awe. Na athu othene yankwanya yanavona.

7

Coohiyerana co Mahumu

¹Mayowantikha ni mafarisi akina, akhumaka o Yerusalemu, yahothukumana ntotho wawe Yesu. ²Yahoono wiira owiitthuca awe akina yanalya nkatthe ni matata oohirya, manaaya woohinyawa. ³Mafarisi ni Ayutteeu othene khanlya woohinyawa ratta ratta, toko calemalenlyaya athu okhalayi. ⁴Waturuwaya oparasa, khayalya ihinaya onyawa; ni cihaawo tho citthu cinci cikina cimpanya attharaka citthu cokhalayi, toko orapiha ikahi, myaapu, ni myaapu co neukhuma ni mikori. ⁵Yahonkoha vano, mafarisi ni mayowantikha: "Owiitthuca aa ahiwelelaka citthu cokhalayi, alyaka ahinyawile, isiyani?" ⁶Yesu ahaakhula: "Hohimya ratta namilohi Isaiya, awacakani nyu, athu o mirima miili, toko cantikhiyaya: "Mphwinko ula onakitithimiha ni mattere, nanso nrima aya onkhala uttayi waka. ⁷Anakilapela vathiru, ni yeettthucihaka malamulo a athu paahi. ⁸Ahiyaka nlamulo na Nluku, phuttharaka coohiyerana ca athu, toko orapiha myaapu ni ikahi ni citthu cinci colikana nnya." ⁹Ni aheerela: "Nnaha nteeliyaka nlamulo na Nluku wiira nthareke coohiyerana cinyu." ¹⁰Mussa, mweeco, heera: "Wathitimihe athumwana ni anumwana. Ni ntthu nohala walapha athumwane ni anumwane attarusiye ni eeviye." ¹¹Nyu nanso nneera: "Ntthu nohala wahimerya athumwane atthuna anumwane: "Itthu yahalaka wuvahani nyuva phi ila 'korpan' manaaya, itthu yovahiya Apwiya. ¹²Cicammo khanonhiyera ntthu itthu yowapankela athumwane atthuna anumwane, ¹³mmalihaka cicammo nuulumo na Nluku nlattu wo

mwaapuru? ⁶Yahaakhula toko Yesu cahimenrawe, ni yahaahiya orwaca. ⁷Yahonrwehela Yesu mwaapuru uyo, yahonkhunela cowara caya, ni Yesu ahomwela. ⁸Athu enci yanawatala cowara caya mphironi, akina yamwarusela mirittha cikithi caathikinlyaya mmattani. ⁹Athu yahoonle na ale yantthara yanakuwa: Osaana, noreeriya nowa mwancina na Apwiya. ¹⁰Ohoreeriya omwene omwa wa athumwanihu Taviti. Osaana wonculu. ¹¹Yahophiya oYerusalemu, Yesu ahokela Inupa ya Nluku, ni namanle oweha citthu cothene canrukurenrye, wahokhala yococilo, ahokhuma, phurwaka o Petaniya ni owiitthuca awe khumi na eeli.

Mwiri wonhokorokho onalaphiya

¹²Wasilyaya wicisu wakhumaya oPetaniya, Yesu yahommola itala. ¹³Oonaka ottayi mwiri wonhokorokho waari ni matakuru aya makithi, ahorwa oweha wakhala wiira aphwanyanya mwamwetthu owiima, nanso attameryaka, khaphwanyile, aphwanyile matakuru paahi, kontha khawari okati wo wiima mihokorokho. ¹⁴Aheerela vano, "Hikhale tho nohala olya cowiima caa. Ni owiitthuca awe yaheewa itthu ila.

Mayothumiha anawomoliya.

¹⁵Yahophiya o Yerusalemu, ni akelaka Inupa ya Nluku ahopacera woomola mayothumiha, na ale yathuma wonwo, ahokaakhela vathi meeca a athu yaakakhaniha, ni ihice ca athu yathuma ikhunnta. ¹⁶Ni khaalevela wiira ikusiye itthu yakhuma Inupa ya Nluku. ¹⁷Ni anaweettthuciha eeraka: Ehantikhiya: Inupa aka inowowihaniya inupa yooswali oneethi wothene. Nanso nyu nhotatusa nikhuku na namwiinya. ¹⁸Oolupale a mayasataka ni mayowantikha yaheewa itthu ile, ni yaanaphavela mananna omwiiva, nanso yaanamoova, nlattu mphwinko wothene

ovareliya nteko, nanso ovara nteko ni ovaha okumi awe wiira oopole atthu enci."

Oohooda o Yeriko

⁴⁶Yahophiya oYeriko. Wakhumaya oYeriko ni owiitthuca awe, ni mphwinko muulupale, Partimeu, mayolepela ohooda, mwanawe Timeu, ahonkoma nceresere iparapara aphavelaka olola. ⁴⁷Weewilyawe wiira Yesu o Nasaree anavira, ahokhuwa: "Yesu, Mwanawe Taviti, okoonene ikiriri." ⁴⁸Atthu enci yanankuphula wiira ammaalihe, nanso anapwaha okhuwa khula imaara wootepa eeraka "Mwana a Taviti, okoonene ikiriri." ⁴⁹Yesu aheemela ni aheera: "Mmwiihane" Yahomwiihana ntthu ohooda yiraka: "Olipe nrima, wunwe, nawiihana." ⁵⁰Ni ule, arulaka ikacako awe, ahotupha ni ahorwa waYesu. ⁵¹Yesu ahonkoha: "Ontthuna kupankele isiyani?" Ohooda ahaakhula: "Mwalimu, koone." ⁵²Yesu ahonhimerya: "Orwe, ikupalelo aa ihowoopola." Ni nananoru ahooda ni ahontthara Yesu mphironi.

11

Yesu nakela atthapeliyaka oYerusalemu.

¹Naattamenrye oYerusalemu, vakhiviru ni Petifaki ni Petaniya, cooco ni mwako Olivera, Yesu ahaaruma owithuca awe eeli, ²ni ahaahimerya: "Nrwe iwaani yowaattamana, mwakelaka namphwanya mwaapuru ootthukiya, hinaya oweliya ni ntthu. Mwantthukule ni nkiwihere. ³Akhalaka ntthu nookohani: Nlattuni mpankaka cicammo. Mwaakhule Apwiya anamphavela, ni ankowuturuselani wowakuvyaca." ⁴Yahorwa phumphwanyaka mwaapuru natthukeleliye wankhorani, mphante wovate woluwani, ni yahontthukula. ⁵Ni atthu yaari wonwo yahokoha: Nnopankani muntthukulaka

coohiyerana cokhalayi cinvahenyu. Ni nmapanka citthu cinci toko nnya."

Cinapankiha atthu okhala aharamu

¹⁴Eehanaka tho mphwinko, Yesu anahimerya: "Nkiviriyane othene, ni mwavye wiiweha. ¹⁵Khiwo iri otaa wawe ntthu, ineera inakenle nhina mwawe, phoorya ontatusa iharamu; nanso inkhuma muntthuni, ila phinoorya ontatusa iharamu. ¹⁶Ntthu orina manyaru owiwelela, eewe!" ¹⁷Wakenlyawe mpaani, nahile mphwinko, owiitthuca awe yahonkoha manaaya nlikanihero nna. ¹⁸Ahaakhula: "Nyu ciicammo khaneeweha? Khanocuwela wiira, citthu cothene co otaa cinkela muntthuni, khacinoorya ontatusa iharamu, ¹⁹nlattu khinkela munrimani, nanso nnapwiipwini mwawe, ni vahoolo inakhumela wanipuroni waya? Ciicale anahimya wiira colya cothene cooreera." ²⁰Ni ahohimya tho: "Itthu inkhuma muntthuni, yeyo phinontatusa iharamu. ²¹Nlattu nhina nrima wantthu phinkhumaya moopuwelo oonanara: olavalava, wiinya, wiiva, ²²oraruwa, isoyo, wunlela coonanara, othepya, ohilemeliha irutthu, orama, okufuru, wiicona, ohiwacera itthu yoomaana. ²³Citthu nnye cothene coonanara cinkhuma nhina, ni cinantatusa ntthu nharamu.

Nthiyana Nkananeya

²⁴Akhooda nipuro nne, ahorwa nttette wo Tiro ni wo Sittoniya. Ahokela mpani ni khatthuna wiira acuweliye ni ntthu, nanso khoonrye wipitha. ²⁵Vano wohipica nthiyana arina mwanawe mwanthiyana avariye ni nnepa woonanara weewilyawe wulumaciya ca Yesu, ahowa onkhoromela wamettoni wawe. ²⁶Ari nthiyana nsenci, olapo yo Siriya-Fenisiya, ni ananlepela wiira omoomole ncini wa mwanawe. ²⁷Ahaakhula: "Warerihe, toko, avone opacera asana; woona khavanreera okusa nkatthe wa asana ni

warihela asilapwa!" ²⁸Ale mweeco, ahaakhula: "Khweeli, Pwiya, nanso hata asilapwa analya vathivaya meeca colya ca asana cimmora-mora." ²⁹Yesu ahomwiirela: "Nlattu wo nuulumo nna, orweke, ncini nookhuma mwa mwanaa." ³⁰Ahoturuwela owaani ni ahomphwanya mwamhima nonkomile wakorini. Ncini nahonhiya.

Ntthu oohiwa ni oohulumaca navonihya

³¹Nakhumile tho ntsethe wo Tiro, ahowela o Sittoniya, mpaka ipahari yo Kalileya, aphulanihaka ntsethe wo Kapole. ³²Yahomwihera ntthu ohiwa, ni wanrikarikela wulumaca, ni yahonlepela wiira anthatele ntata. ³³Yesu antamihaka waatthuni ahonhela makokho mmaruni ahonsuwela ni ukwanya nlimi ni isene. ³⁴Ni awusaka miitho wirimu ahohihimerya, eeraka: "Effatha" manaaya "wiihule." ³⁵Maaru yahonhulya namarweele, nlimi nawe nahontthukuwa ni ahopacera wuluma ratta. ³⁶Yesu aheera wiira hinhimerye ntthu itthu yeraneele, nanso waatepawe waateliha, phaatepaaya omwarusela. ³⁷Atikhinacaka, yaanawiira: "Cothene nopanka cotikhineeha, heewiha atthu ohiwa, ni wulumaciha atthu ohulumaca."

8

Mikatthe cinawincereriya imaara yonapiili

¹Mahuku ale, okhala wiira wahotthukumana tho mphwinko muulupale na atthu khayarina yolya, Yesu aheehana owiitthuca awe ni ahaahimerya: ²"Okiriha ihaaya mphwinko ula. Nna va ahovira mahuku mararu anari ni mi ni kharina yolya. ³Kaalaseraka cicale woohilyetthu, wiira arwe mmwanyaya anahala okhwa mahile ni iphiro, kontha akina akhumile uttayi." ⁴Owiitthuca awe yahomwaakhula: "Nohala woorya cani ntthu waaliha nkatthe, watakhwani va? ⁵Nanso ahaakoha: "Nrina mikatthe mikavi?"

Yesu nahimya imaara yoneeraru coohuva ni okhwa wawe

³²Owiitthuca yanaweetta ni iphiro, awelaka oYerusalemu, ni Yesu anaweetta uhoolo waya. Yanatikhina ni yanantthara ni woova. Ahaakusa tho owiitthuca khumi na eeli, ahopacera wahimerya itthu yahala omwiraneela, ³³eeraka, "Mwiwe, ninawela oYerusalemu, ni Mwanawe Pinattamu nahala orwehiya mmatatani moolupale a mayasataka ni mayowantikha, na ale anahala ommaanela omwiiva ni onrweha wasenci. ³⁴Anahala ontarawa, onsuwela wiitho, omwapsyulaca ni omwiiva, nanso nihuku noneeraru nahala wunwelela."

Olepela wa asana a Sepetteu.

³⁵Yakopu ni Yohani, asana a Sepetteu, yahomwatamerya ni yahomwiirela: "Mwalimu, nimphavela, onipankele yothene inhalehu wulepela?" ³⁶Yesu ahaakoha: "Nnophavela kupankeleni isiyani?" ³⁷Yahomwaakhula: "Wumweneni waa, nunkome, mmoca mono nlopwana, ni nkina mono nthiyana." ³⁸Yesu ahaakhula: "Khannocuwela itthu inlepelenyu. Nnawoorya owurya ikoopu inhalaka owurya, ni waakhela opatisu onhalaka waakhela?" ³⁹Yahomwaakhula: "Aye, ninawoorya." Yesu ahaahimerya: "Nnowowurya ikoopu inhalaka owurya, ni nnowopatisiya ni opatiso onhalaka opatiseriya, ⁴⁰nanso, wunkoma mono nlopwana atthuna nthiyana kahi thi Mi kinvaha, anovahiya ale asunkeriye." ⁴¹Akina khumi, yiwakaru itthu ile, yahonyonyiya ni Yakopu ni Yohani. ⁴²Yesu aheehana ni aheerela: "Nhocuwela cimpanakaya alamuli onlaponi wiira acuwanehe iyulupale aya mmalokoni ni mahumu aya. ⁴³Nanso ni nyuva khunhala okhala commo. Ntthu nophavela okhala muulupale mwa nyu eepanke nrumeyi, ⁴⁴ni nophavela okhala opacera mwa nyu eepanke ipottha ya atthu othene, ⁴⁵nlattu Mwanawe Pinattamu khaawile

ntthu atthimakacaka, ni akhoromelaka ahonkoha: "Mwalimu ooreera, kipankekeni wiira kiphwanye okumi wohimala?"

¹⁸Yesu ahonhimerya: "Nnokihanelani ooreera? Khaawo ooreera hikhanelu Nluku paahi. ¹⁹Onacuwela malamulo: Ohiive, oheette oluva, ohiinye, ohothe, ohithepye, walemelihe athumwana ni anumwana." ²⁰Ahomwaakhula: "Mwalimu, cothene nnya kihosunka ikhumelo mmirawo." ²¹Yesu ammwehecesaka, ahompenta, ni ahomwaakhula: "Inawuhaleela itthu imoca paahi; Orwe, watumihe citthu cothene cirinaa, wavahe nsurukhu atthu othwenya, ni ommokhalana nhakhu wirimu; owe ni okithare." ²²Nanso, weewilyawe moolumo ale, ahothulana ni ahothama ni icuku, nlattu arina mihakhu cinci.

²³Awehaka nceresere, Yesu aheerela owiitthuca awe: "Orikarika venci, atthu oothaciri okela wumweneni wa Nluku." ²⁴Owiitthuca wahooma owanoni, wowiwa moolumo ala. Nanso Yesu ahopwahera: "Asanaaka, cirikarikilyaya okela wumweneni wa Nluku, ale ankhuluvela mihakhu." ²⁵Khavarikile ovira nkamira mwiithe wo sinkano, uhohiyana ukela nthaciri wumweneni wa Nluku. ²⁶Ale yahotikhina wootepa nanlelo ni yanawiirelana ayayoru.: "Vano, tupani nohala woopwa!" ²⁷Awehaka, Yesu ahaakhula: "Na atthu khinooryanya, nanso ni Nluku citthu cothene cinawooryanya." ²⁸Peturu ahopacera onhimerya: "Hi nihohiya cothene nihottharani." ²⁹Yesu ahaakhula: "Khweeli kinawuhimeryani wiira khaawo ntthu nohala ohiya inupa awe, asunnawe, asirokorawe, athumwane ni anumwane, asana atthuna imatta awe nlattu wo Miyano, ni nlattu wo Nhupi Wooreera, ³⁰hinaakhela mpaka imaara emiya, nanano okati ula orihula, inupa, asunnawe, asirokorawe, anumwane, asana ni imatta, wamoca ni womolanihaciya, ni vahoolo okumi wohimala." ³¹Enci oopacera ankokhala owiheerya, ni owiheerya ankokhala oopacera."

Yahaakhula: "Mithanu na miili." ⁶Aholamula wiira atthu yunkome vathi. Ni, akusaka mikatthe mithanu na miili, ahoreeriha, ahomyaniha ni ahaavaha owiitthuca awe, wiira yakawele na ale yahaakawela atthu. ⁷Yahaana tho asihopa vakani. Ahoreeriha ni aholamula wiira yaakawele. ⁸Yaholya mpaka orupala, ni ikalakathela cahanle nyo owiitthuca awe yahottottela ithutu thanu na piili. ⁹Atthu ale yaari ilufu cese. Vahoolo ahaalasera. ¹⁰Ni awelaka vano nkalawani ni owiitthuca awe, ahorwaa mittetthe co Talmanuta.

Mafarisi anelepela ikanyero

¹¹Yahowa mafarisi yapacene onyakulihana ni Yesu ni woontteha yagoonlepela ikanyero yo wiirimu. ¹²Yesu ahihimeryaka ni nrima wothene, aheera: "Nlattuni nihimo nna ninalepelela ikanyero isiyani? Khweeli kinawuhimeryani wiira nihimo nna khandhala ovahiya ikanyero hata vakani." ¹³Ni aahiyaka, ahokela nkalawani, mpaka olapuwela ikhopela ikina.

Miropo co mafarisi ni ca Heroti

¹⁴Owiitthuca yaholiyala owaya mikatthe, ni nkalawani khayaarina tho waari nkatthe mmoca paahi. ¹⁵Yesu aheerela: "Moone, nkhale miitho mmwehaka ratta miropo co mafarisi ni miropo ca Heroti." ¹⁶Na ale yahopacera ovanyihana, yopuwelaka wiira waaciye ohikhalana nkatthe. ¹⁷Yesu nanso, weewilyawe moolumo ale, ahaahimerya: "Nlattuni isiyani moopelaka mwaha o itthu yohikhalana nkatthe? Nanlelo khannahelalela ni khandheweha? Nri ni nrima woturumala. ¹⁸Nhana miitho ni khandhooona? Nhana manyaru nanso kanneewa ni khandhoppuwela. ¹⁹Ithutu kavi coocara ni coohala caattottenlenyu, wamyanihilyaka mikatthe mithanu kaakawelaka atthu ilufu thanu? Yahaakhula: "Khumi na piili." ²⁰Ni wamyanihilyaka mikatthe mithanu na miili pwaavahaka atthu ilufu cese, mwacarihile ithutu kavi cokalakattela co nkatthe?"

Yahakhula, "Saapa." ²¹Ni anaweerela: "Nanlelo khanneewa?"

Ntthu ohoona navonihiya

²²Yesu ni owiitthuca awe yahophiya o Petsayita ni yahomwihera ntthu ohoona, anlepelaka wiira ankwanye. ²³Ahommarela ntata ntthu ohoona ni ahonrweha nceresere itthoko, ahonhela isenye mmithoni mwawe, ahonthatela matata ni onkoha: "Onawoonaka itthu?" ²⁴Ule ahoteesa miitho ni aheerela: "Kinawoona atthu, yeetaka ankhala toko miri." ²⁵Ahonthatela tho matata mmiithoni, ni ule ahopacera woona oparapara, ni ahovona, oonaka rattaratta uttayi ni oparapara citthu cothene. ²⁶Yesu vano ahoonlamulela orwa owaani, ni ahomwiirela: "Ohikele mena omawaani."

Peturu nanrumelela Yesu Mwana a Nluku

²⁷Yesu ahonwa ni owiitthuca awe, akelaka omawaani co Sesareya wo Filipe. Mphironi ahaakoha owiitthuca awe, eeraka: "Atthu ayo aneera wiira Mi kipani?" ²⁸Yahomwiirela: "Yohani Mpatisa, akina Eliya, ni akina tho aneera wiira ori mmoca mwanamilohi." ²⁹Ni ahaakoha: "Ni nyu nneera Mi kipani?" Peturu ahaakhula: "We ori Kristu." ³⁰Ahaalamulela vano, wiira ahinhimerye ntthu itthu ila.

Yesu nahimya imaara yoopacera wiira nahala ohuvihiya ni wiiviya

³¹Vahoolo ahopacera weethuciha wiira Mwanawe Pinattamu nahala ohuva venci ni okhotiya ni mahumu, ni oolupale a mayasataka, ni mayowantikha, mpaka wiiviya ni wunwelela anavinre mahuku mararu; ³²ni anawahimerya itthu ila wohakuwa-khuwa. Peturu ahomwihana Yesu ni ahopacera onkuphula. ³³Yesu nanso arukunuwaka, ni awehaka owiitthuca ahoonkhuphula Peturu, eeraka:

Othelana khumwalaaniya

¹Nakhumile wonwo, ahokela nttette wo Yutteya ni okhopela mooloko Yorttani, ni mphwinko onathukumanne tho nipuro naryawe, anaweethuciha tho, toko calemalenlyawe.

²Yahomwatamerya mafarisi ni yahonkoha antehaka: "Iri yooreera nlopwana wamwalaana amwaarawe?" ³Ahaakhula: "Musa holamulenleni isiyani?" ⁴Yahomwaakhula: "Musa holevela wavaha iwarakha yoomwalaana, ni wahiya." ⁵Yesu ahaakhula tho: "Nlattu woolipa winyu nrima phuvahilyaweni nlamulo nno. ⁶Nanso, wupattusoni wolapo, 'Nluku ahompanka nlopwana ni nthiyana. ⁷Phimana, nlopwana nahala wahiya athumwane ni anumwane ni nokookhala na amwaarawe. ⁸Ni ooyeli ankookhala irutthu imoca. Phimana, khankhala tho eeli, nanso irutthu imoca.' ⁹Vano, yolutanihiya ni Nluku, khimwalaanihiya ni ntthu."

¹⁰Anaphile owaani, owiitthuca awe yahonkoha tho itthu ile. ¹¹Yesu ahaahimerya: "Ntthu nohala wamwalaana amwaarawe ni waathela akina, neetta oluva ni nthiyana ule, ¹²ni nthiyana ammwalaanaka mannawe ni otheliya ni nkina, neetta oluva."

Yesu nawareeriha amirawo

¹³Yahomwihera asinamwane wiira aakwanye, nanso owiitthuca yahakuphula ale yawihile asana. ¹⁴Yesu, oonaka itthu ile ahonyonyiya ni aheerela: "Mwalevele, amirwo akiweele, ni nhomole, nlattu omwene wa Nluku ori wa waya. ¹⁵Khweeli kinawuhimeryani: Ntthu hinhala waakhela omwene wa Nluku toko mmirawo, khanghala okela wonwo." ¹⁶Vahoolo ahaakusa vayawani pwithatelaka matata ni ahaareeriha.

Othaciri wowoopiha

¹⁷Wakhumawe wiira eette nkwha awe, ahomwatamerya

nomwakhela mwanamwane toko ula mwancina naka, nokaakhela Miyano, ni ntthu nokaakhela Mi, khankakhela Mi, nanso Ule kirumile."

Ntthu hinoniina, nawiraana ni hi.

³⁸Yohani ahonhimerya: "Mwalimu, nihomoono ntthu oomolaka macini mwancina naa, ni ntthu ule khannithara, ni nihomwaateliha." ³⁹Yesu ahaahimerya: "Nhimwaatelihe, nlattu khaawo nopanka cotikhineeha mwancina naka phukaapa mi nenna nna." ⁴⁰Ntthu hinoniina, nawiraana ni hi. ⁴¹Ntthu novahani ikoopu yo maasi wiira mmuraye nlattu wokhala owiitthuca awe Kristu, khweeli, kinawuhimeryani, khankela ahalelaka itthuvo awe mena vakani."

Cookosiha

⁴²"Ntthu nohala onkosihha mmoca mwaasinamwane ala ankikupali Mi, phatari athukeleliye nsikomo nsilo nnosileliya ni avonyeriye mpaharini. ⁴³Ntata naa nookosihaka, othikile. Onareera okela wokumini ni ntata noopahuwa, wahohiyana okhalana matata oomeli ni orwa omoroni ohinttiphya. ⁴⁴Wonwo ohinkhwa asunku, ni moro khunttiphya. ⁴⁵Nnya naa nookosihaka, othikile. Onareera okela wokumini onapahuwile, wahohiyana okhalana omeli ovonyeriyaka omoroni. ⁴⁶Wonwo ohinkhwa asunku, ni moro khunttiphya. ⁴⁷Ni niitho naa nookosihaka, ophele. Onareera okela omweneni wa Nluku ni niitho nimoca, wahohiyana okhalana omeli ovonyeriyaka omoroni. ⁴⁸Wonwo ohinkhwa asunku, ni moro khunttiphya. ⁴⁹Phimana khula ntthu nahala olukiya ni moro. ⁵⁰Maakha phi itthu yooreera; nanso yathatuwaka oririya, ammolukiya ni isiyani? Nkhalaneke maakha mwanyu ni mweetteke ni mpuha ntthu ni nkhwawe.

10

"Othame wiitho aka, Sotwani, woona khummwacera citthu ca Nluku, nanso paahi citthu ca atthu." ³⁴Eehanaka mphwinko wa atthu wamoca ni owiitthuca awe, aheerela: "Ntthu, athunaka okithara, eerune mwanene, akuse nsalapa awe ni akitthare. ³⁵Nlattu, ntthu nohala ophavela woopola okumi awe onanrihya, ni onhala onrihya nlattu wo miyano, ni nlattu wo Nhupi Wooreera nowowopola. ³⁶Enhala okhuma isiyani, ntthu ophwanya ittuniya yothene ni arihaka nnepa awe? ³⁷Atthuna ntthu nohala ovaha isiyani wo wakakhaniha nnepa awe? ³⁸Ntthu mweeco nohala wuliya muru nlattu wo Miyano ni nlattu wo moolumo aka va mithoni va nloko nna nookosakosa nimwalaanne ni Mi, cicammo, Mwanawe Pinattamu nahala wuliya muru nlattu wa ale aphiyaka o nnemani wa Athumwane wamoca ni Ancelo attackattifu."

9

Yesu neeconeeha toko Nluku

¹Yesu ahaahimerya tho: Khweeli kinawuhimeryani wiira akina mwaala ari vava kxanhala okhwa ahinaya woona omwene wa Nluku owaka ni ikuru caya.

Wiitatusa wa Yesu

²Anavinre mahuku mathanu na moca, Yesu ahaakusa Peturu, Yakopu ni Yohani, ni ahaaweliha vekhaaya, mwaako woorekama. Ni aheetatusa wamiithoni waya. ³Coowara cawe cahothatuwa coowarya, cooteela usilili toko khaawo mayokattha vathiva owoorya otteeliha ciicale. ⁴Ahaakhumelela Eliya wamoca ni Musa ni ooyeli yanawulumaca ni Yesu. ⁵Peturu ahomwiirela Yesu: Mwalimu oreera okhala vava, niteke marapattha mararu, nimoca na waa, nikina na Musa nikhwawe na Eliya. ⁶Kontha khayacuwela itthu yaahimyaawe nlattu yanawoova

venci. ⁷Ni nahokhuruwa nihutte naakhunenle ni ntthuuci, ni nahokhuma ncu nihutteni neera: Ula mwanaka ophentiya. Yoyo mwiiwe. ⁸Nenna nna, awehaka, khayamonne tho ntthu, ari Yesu vekhawe. ⁹Wakhuruwaya mmwakoni, Yesu ahaalamulela wiira ahihimerye ntthu itthu yonyaya, mpaka vahoolo Mwanawe Pinattamu nonwelenle mwaatthu ookhwa. ¹⁰Ale yahotthara moolumo ale, nanso yanakohana ayayoru manaaya: Wunwelela mwaatthu ookhwa. ¹¹Ni yahonkoha yiiraka: "Mayowantikha aneerelani wiira woopacera Eliya phinhala owa?" ¹²Ahaakhula: "Aye, Eliya, awaaka woopacera nahala weesa wanipuroni waya citthu cothene, nanso yantikhiye isiyani ya Mwanawe Pinattamu, wiira nalamuliya ohuva venci, ni onyoholiya. ¹³Ni mi mweeco kinawuhimeryani: Eliya ahowa, ni yahompankela cothene catthunaya, toko cantikhiye."

Yesu ahonvonihha ntthu owerenya icilicili

¹⁴Naphile waryaya owiitthuca awe ahoona mphwinko muulupale wa atthu warukurenrye ayoca, ni mayowantikha anyakulihanaka na ale. ¹⁵Amoonakaru Yesu yahotikhina ni yahotthimakaca onkoha isalama. ¹⁶Ni ule ahaakoha ale: "Nnonyakulihanani?" ¹⁷Ntthu mmoca mwa mphwinko ule, ahomwiirela: "Mwalimu, kihoowihera mwanaka, rina nnepa woohulumaca. ¹⁸Wammaraka vale, unamvonyera vathi ni ule napacera okhuma niphoru, ocekesa miino ni phuumaka teyeye. Kihaalepela owiitthuca aa wiira yomole ncini, nanso khayoonrye. ¹⁹Yesu aheerela: "Nyu, nloko noohikupali, kinhala okhala ni nyu mpaka yakhani? Kinhala wuvilelani mpaka yakhani? Nkiwihere woono." ²⁰Yahommwihera. Nimoonakaru Yesu, ncini nahompukunya mwanhima ni ikuru, mpaka ommanela vathi, ni ahopacera ophirikya akhumaka niphoru mwano. ²¹Yesu ahaakoha athumwane: "Itthu ile inomwirya ikhumelo yakhani. Na ale ahaakhula: "Ikhumelo mwanamwane, ²²ni imaara cinci nahommonyera

wamoroni ni mmasini wiira amwiive, nanso wooryaka vale opanka itthu, ononele ikiriri, ni onikhavihere." ²³Yesu ahomwiirela: "Wooryaka! Ntthu nokupali citthu cothene cinawooryanya." ²⁴Nenna nna, athumwane mwana oyo yahokhuwa: "Kinakupali; nkikavihere ohikupali waka!" ²⁵Yesu, oonaka wiira atthu enci yanawa, aholamulela nnepa wonanara ni aheerela: "Nnepa wohulumaca ni wohiwa, Mi kinawulamulela, okhume wamwana ula, ni ohinturuwele tho." ²⁶Ni nnepa, okhuwaka ni wicipulacaka ni ikuru, wahokhuma. Mwanhima ahokhala toko ookhwa, mpaka atthu enci wiira hokhwa. ²⁷Nanso, ammaraka ntata, Yesu ahommusa, ni ule aheemela. ²⁸Okelawawe mpani, owiitthuca yahonkoka vekhawe: "Nlatuni hiyano khaanonye woomola?" ²⁹Ahaakhula: "Nloko nna ninoomoliya ni iswali ni utthuka paahi."

Yesu nahimya imaara yonapili ohuva ni ukhwa wawe

³⁰Akhumaka wonwo yahottupulaniha ilapo yo Kalileya, ni Yesu khatthuna wiira acuweliye ni ntthu, ³¹nlattu anavira eetthucihaka owiitthuca awe ni anaweerela: "Mwanawe Pinattamu nahala orwehiya mmatatani mwaatthu anhala omwiiva, nanso, nakhwile nowowunwelela anavinre mahuku mararu." ³²Nanso ayo khayeweehile nuulumo nne, ni yanamoova onkoha.

Ti pani nohala okhala muulupale cinene?

³³Yahophiya oKafarnaum, ni, anari owaani, Yesu ahaakoha: "Mwavanyihanani mphironi?" ³⁴Yahomaalaca, nlattu yanavanyihana ayayoru, wiira tipani ri muulupale mwaale. ³⁵Onkomaka, Yesu aheehana owiitthuca awe khumi na eeli ni ahaahimerya: "Ntthu aphavelaka okhala muulupale, eepanke mwankani mwaatthu, ni akhale nrumezi a atthu othene." ³⁶Ni ankusaka mwanamwane, ahomweesa iriyari aya, ahommarela ni aheerela: ³⁷"Ntthu